

Sises Ekareei Ma' Namenuka'pu Ekamanin

Sises Ekareei Ma' Namenuka'pu epiya'ti, “Seri, seri wak_u itekare Papa Mumu, Sises Kurai pi’,” tukai'. Sises usene ka'pon iku'nin, miri awonsi'ki t_umeruntir_u kenan pe. Imeruntir_u usene enupan nito' iya yau, makoi a'kwar_u entaino yau, miri awonsi'ki ka'pon am_u' makooi pi' isentu'ma. Sises usaurok_u tapi' Ka'pon, Papa winon pe, iye'sa' ru'pu t_uuko'manto' t_use'na ka'pon am_u' mo'kanin pe makoi apai.

Ma' uya Sises pantom_u ekama to'sari ri, pana'pan yau, Sises nakup_u'pu kuru pi', imaimu ton miri awonsi'ki enupan nito' iya ton entai. To'ken ni Isaan Pa'tes miri awonsi'ki Sises epa'taisima'pu, miri awonsi'ki i'tupit_u pi' Makoi esi'pu t_upo, imenukanin uya inke para ri Sises e't_urawasoma'pu ru'pu epi'tin pi', enupan pi' an_um_u. Iko'mam_u kaisari ri, Sises pikiron kon uya ito'ka'n_uk_u'pu wak_u pe pari, e'tane iteyaton non ena'pu miyari ri isi pe. Iu'mat_u pe ekamanin airi ekamasa' iya iye'ku'sa' ru'pu seri non po Sises uko'manto' iu'mat_u suntaakaai yau, kurusu' pona ipokapit_u'pu, miri awonsi'ki iye'm_u'sa'ka'pu terik_u'pu apai kuru.

Asa'ri na'ne' iu'ma'to' yau'ne, iwa'ku'pi'sa' na'ne' pi', t_uron ni ri, *Ma'* pen ni namenuka'pu tapi'pit_u.

Iyawon Ekamanin

Sises ekareei epiya'ti (1:1-13)

Annau Sises e'turawasoma'pɥ Kiyarari po (1:14—9:50)
 Kiyarari ponsi'ki Surusiran pona (10:1-52)
 Iu'matɥ suntaakaai Surusiran po miri awonsi'ki
 ipiyau (11:1—15:47)
 Sises e'mɥ'sa'ka'pɥ terikɥ'pɥ apai (16:1-8)
 Iye'mɥ'sa'kasa' Itepuru usenpoikapitɥ'pɥ miri
 awonsi'ki iyenuku'pɥ (16:9-20)

Isaan Pa'tes Ekareei

(*Ma'siu 3:1-12; Ƴru' 3:1-18; Isaan 1:19-28*)

¹ Seri, seri wakɥ itekare epiya'ti Papa Mumu,*
 Sises Kɥrai pi'. ² Pu'kena' Aisaya karetaai yau
 iye'menukasa' na'ne':

“Umaimu ekamanin ennoko uya miri arawiri,
 iye'ma konekanin pe,”†
 tawon.

³ “Rimono' tau ka'pon uki'pi'nɥnpitɥ,
 'Itepuru e'ma ikonekati';

to'sa ri ite'ma ikonekati',’ ‡
 tawon. ⁴ Miri kasa si Isaan uyee'pɥ, pa'taisiman
 pi' rimono'ta nono yau miri awonsi'ki makoi apai
 era'tin epa'taisimato' makoi pi' usentu'man eka-
 reei ekama pi'. § ⁵ Tanporon kon ni Isutiya miri
 awonsi'ki eke pata Surusiran winon kon ni uti'pɥ
 ipiya'. Tumakooi kon ekama pi', miripan kon
 pa'taisima'pɥ iya Isotan tuna tau'tisen kau.

⁶ Isaan pon esi'pɥ kiyamerɥ i'po' konekasa',
 o' pi'pi' konekasa' esi'pɥ ipokurɥɥi pe iworo'pai

* **1:1** Tɥron ni ton imenukasa' yau, Papa Mumu tawon para iyesi.

† **1:2** Mara'kai 3:1 ‡ **1:3** Aisaya 40:3 § **1:4** Tɥron ni
 ton imenukasa' yau, Isaan Pa'tes usenpoika'pɥ rimono' tau itekare
 ekama pi', tawon esi.

pi'. Kairau amu' miri awonsi'ki teusan e'ku pi' tenta'nasen pe iyese'pu. ⁷ Miri awonsi'ki se si esi'pu miri itekareei pe: “Uye'ma'pu pe iyepu miri ka'pon merunti kuru uyentaino, tuu'tii' isapatooi euka uya pokena' pen ni. ⁸ Apa'taisima uya 'nokon seri tuna ke, e'tane kari ri uya nin si apa'taisima kon miri Waku A'kwaru ke,” ta'pu iya.

Sises Esi'pu Epa'taisiman Pi', Se'tan Esi'pu I'tupitu Pi'

(Ma'siu 3:13—4:11; Uru' 3:21-22; 4:1-13)

⁹ Miri a'tai, Sises uyee'pu Nasare', Kiyarari yawon wini, miripan pa'taisima'pu Isaan uya Isotan kau. ¹⁰ Sises ekanwaka koro'tau tuna kapai, ka' uta'koka e'se'ne' pe ene'pu iya, miripan uya Ita'kwaru u'ti wako'wa kasa ene'pu tupo. ¹¹ Miri awonsi'ki main uyee'pu Epu awonsi'ki, “Umu imiri, uni'nukanu; ipi' pori' pe e'ai' ipan pe,” tawon.

¹² Inke pu ra ri, Ita'kwaru uya ennoko'pu rimono' ta'. ¹³ Rimono' tau iyese'pu 40 kaisa ri wai, Se'tan* esi'pu i'tupitu pi'. Miri yau ri kanan ene amu' pokon pe iyese'pu, miripan ene pi' inseru amu' esi'pu.

Wapiyaro' Kon Tupoitoru Pe Te'ton Kon Ki'ma'pu Sises Uya

(Ma'siu 4:12-22; Uru' 4:14-15; 5:1-11)

¹⁴ Isaan a'sisa' to' uya tupo pariki'si ta', Kiyarari pona Sises uti'pu, waku Papa ekareei ekama pi'. ¹⁵ “Iweyu e'seposa' man, Papa e'to' esa' wanni pe

1:6 2 Kin Amu' 1:8 **1:11** Iseneses 22:2; Eren 2:7; Aisaya 42:1;
Ma'siu 12:18; Ma' 9:7 * **1:13** Se'tan—Makoi ese' isakon, Papa eseru ewaruma'tinin ta e'kwa pe.

man a'ko pe! Amakooi kon apai era'titi', miri awonsi'ki itekare apuriti'!" ta'pɛ iya.

¹⁶ Sises usari koro'tau parau ku'pɪri Kiyarari piyawiri, asa'ron kon moro' a'sinin nan ka'pon amɛ' ene'pɛ iya, Saiman, miri awonsi'ki iyakon Anturu pokon, tɔpunwerɛ kon yai moro' amɛ' a'si to' uya esi'pɛ. ¹⁷ Sises uya ta'pɛ to' pi', "Upikiri isi'ti'. Ikonekato' kon pe uya ka'pon amɛ' a'sinin nan pe," ta'pɛ iya. ¹⁸ Miri pe ri, tɔpunwerɛ kon tɔninse to' uti'pɛ ipikiri.

¹⁹ Inni iwa ru'kwɪ itisa' a'tai, Isens ene'pɛ iya, Sepiti mu miri awonsi'ki Isaan, iyakon kanau yau, tɔpunwerɛ kon konepitɛ pi'. ²⁰ Oko pe pɛra ri, to' ki'ma'pɛ iya, miripan kon uya tukɛipɛnɛ kon miri awonsi'ki aka'ne' pe anansa' kon ipoitorɛ ton pokon pe tɔninse kanau yau, to' uti'pɛ ipikiri.

*Makoi A'kwarɛ Enpa'ka'pɛ Sises Uya
(Uru' 4:31-37)*

²¹ To' uti'pɛ Ka'paneyan pona; Sapa' uye'sa' a'tai, Sises uti'pɛ Esuwerɛ amɛ' usenupato' iwɛ' ta'. Miri yau, to' enupa pi' iyepiya'ti'pɛ. ²² Ka'pon amɛ' usewansiuka'pɛ enupan nito' iya pi', apɛne pɛra tenupa iya 'nokon pi' tɛmeruntirɛkenan pe kuru ri, Main pi' enupanin nan kasa pɛra. ²³ Miri koro'tau, ka'pon, makoi† a'kwarɛ yen pe te'sen miri yau Esuwerɛ amɛ' usenupato' iwɛ' tau, uki'pi'nɛmɛ'pɛ, ²⁴ "Sises, Nasare' pon, i'ri pe ina ku'se'na iuye'sa'? Ina pe' ma'tanɛ'se'na iuye'sa'? Kinyi'tuyai' imiri kɛri ri—Wakɛ Ye' Papa Iwano'!" ta'pɛ iya ipi'.

1:15 Ma'siu 3:2 **1:22** Ma'siu 7:28-29 † **1:23** makoi, miri pe pɛra iri, Kiri' maimu yau; v. 26-27 yau niri.

²⁵ “E'pana e'ki! Epa'kaki iyapai!” ta'p_u Sises uya e'se'ne' pe.

²⁶ Makoi a'kwar_u uya e'se'ne' pe ka'pon i'ki'ma'p_u, miripan epa'ka'p_u iyapai t_uupiror_uanse.

²⁷ Ka'pon am_u' usewansiuka'p_u, miripan kon usekama'popit_u'p_u tiwano' kon pe, “I'ri si seri? Emenna' usenupan nito'—merunti a'kiron! Makoi a'kwar_u ton ni apiyo'manin, miripan kon esi imaimu awiri!” ta'p_u to' uya.

²⁸ Itekareei uti'p_u inke p_ura kuru ri siya ri Kiyarari nono poro.

Tu'kan Kon Ni Epi'tipit_u'p_u Sises Uya

(Ma'siu 8:14-17; Ūru' 4:38-41)

²⁹ Tapa'kasa' kon a'tai Esuwer_u am_u' usenupato' iw_u' tapai, to' uti'p_u Saiman miri awonsi'ki Anturu pata'se' ya'. Isens miri awonsi'ki Isaan pokon uti'p_u to' a'kiri. ³⁰ Saiman ewo'p_u esi'p_u e'kii'man pi', te'kwe' tau. Inke p_ura ri Sises uye'sa' a'tai, to' uya ekama'p_u ipi'. ³¹ Sises uti'p_u ipiya', itemiyat_u pi' ta'sii' i'm_u'sa'ka'p_u iya. Iye'kii'mato' ereuta'p_u, miripan uya to' m_uta'napa'p_u.

³² Pata uko'mansa' a'tai, w_ui enu pata'p_u pe, ka'pon am_u' uya tanporo ri takuru'kena' nan miri awonsi'ki makoi a'kwar_u yen ton nee'p_u Sises piya'. ³³ Tanporo ri miri pata yau te'san ka'pon am_u' am_ura'p_u m_ura'ta na'. ³⁴ Sises uya tu'kan kon ni takuru'kena' nan epi'tipit_u'p_u to' eparan apai'ne, miri awonsi'ki makoi a'kwar_u ton ni enno'pit_u'p_u iya. Makoi a'kwar_u ton usaurok_u i'se p_ura ri iyesi'p_u, ap_une p_ura to' uya ti'tu wenai.

Sises Ip_urema'p_u T_u'kenan Pata Yau

(Ūru' 4:42-44)

³⁵ Awanakui' kuru, ewarupi pe ri mari pata e'tane, Sises e'ma'sa'ka'pu, miripan uti'pu iuti tapai tu'kenan pata ya' ipuremase'na. ³⁶ E'tane Saiman miri awonsi'ki itonpa ton uti'pu iwarinpase'na. ³⁷ To' uya eposa' a'tai, "Tanporon kon man awar-inpa pi!" ta'pu to' uya ipi'.

³⁸ Sises uya to' eiku'pu, "Taron ni airi eke iwa ton a'ko pa'nan pata ton ya' utinpai'nokon. Miri yau'ne kanan itekare ekamato' pe uya. Mirito' pe uye'sa' seri," ta'pu iya.

³⁹ Miripan uti'pu siya ri Kiyarari poro itekare ekama pi' Esuweru amu' usenupato' iwu' ton tau, miri awonsi'ki makoi a'kwaru ton ni enno'pitu'pu iya.

*Ereku'pan Ka'pon Epi'ti'pu Sises Uya
(Ma'siu 8:1-4; Uru' 5:12-16)*

⁴⁰ Ereku'pan[†] ka'pon uyee'pu Sises piya'. Tese'mu po esii'ma iyeta'kwanamu'pu ipi', "Inku'pai iwesi yau, waku pe ukupu auya," ta'pu iya.

⁴¹ Sises usentu'ma'pu§ ipi'. Temiyatu inka'pu iya, miripan uya a'pitu'pu. "Inku'pai ri e'ai'. Waku pe e'ki!" ta'pu iya ipi'. ⁴² Miri a'tai ri, ka'pon ereku usepi'ti'pu, miripan ena'pu waku pe ri. ⁴³ Sises uya inke para ennoko'pu ipanama tupo se tukai', ⁴⁴ "Inu' pi' ri seri kusekamai, e'tane enta isenpoikata Papa ena' use'man nito' tarawasomanin ena', miri awonsi'ki iuse'mato'

1:39 Ma'siu 4:23; 9:35 [†] **1:40** Ereku'pan, miri pe para Leper, Enkeri'si pe. Kiri' maimu yau utapuripitu'pu tu'kan ni pi'pi eparan ese' pe, leprosy kuru pen ni pi'. **§ 1:41** Taron ni ton imenukasa' yau, usakorota'pu tawon esi.

pe te'sen, Mosi' uya tasa' na'ne' awiri maturu'i, iyekorakasa' ekamanin pe to' pi'," ta'pu iya.

⁴⁵ E'tane kuri ri ka'pon uti'pu siya ri itekareei ekamase. Miri moron nu'pu pe Sises epa'ka poken pu'ra ri iyese'pu eke iwa pata ton ya'ne, e'tane ri ka'pon amu' uye'pitu'pu mi'tapai'ne ri ipiya'.

2

Ipu'tika'sa' Ka'pon Epi'ti'pu Sises Uya (Ma'siu 9:1-8; Eru' 5:17-26)

¹ Emennu'pu po iwa ri, Sises enna'po'pu Ka'panyan pona. Miri a'tai, tupa'tase' ya' iyenna'posa' man tawon useta'pu. ² Tu'ke ri ka'pon amu' amura'pu, pata oton pu'ra ri pata tuku'se mura'ta airi'ne ri. Sises esi'pu itekare ekama pi' to' pi'. ³ Miri a'tai, asakiri'nan kon ka'pon amu' uya ipu'tika'sa' ka'pon nee'pu ipiya'. ⁴ Apune pu'ra anpisin pe ka'pon amu' esi pi' itaru tuuya'nokon poken pu'ra Sises piya', iteuta koneka'pu to' uya iuti nakapu yai Sises epoi, miri awonsi'ki aka tukon po, ka'pon ipu'tika'sa' nu'ti'pu to' uya iyapon po ri. ⁵ Sises uya to' uya apurito' ene'pu, miripan uya ipu'tika'sa' ka'pon pi' ta'pu, "Mooi, amakooi pi' usentu'masa' man," ta'pu iya.

⁶ Miri yau tereutai' te'san, Main pi' enupanin nan usenuminka'pu tiwano' kon pe, ⁷ "Tri pe iyese pi' miri kasa Papa sapema pe ri isauroku? Inu' ri sa'ne makoi pi' tause'ntu'masen pu'ra ri iyese miri ko, Papa riken!" ta'pu to' uya.

⁸ Miri a'tai ri, Sises uya ta'kwaru yau i'tu'pu to' usenuminka' tewan kon yau, miripan uya ta'pu to'

pi', "F'ri pe iyese pi' miri kasa iusenuminka kon?
 9 Nai esi sa'man pe p̄ra iwa p̄se ri ipu'tika'sa' pi' tato'; 'Amakooi pi' usentu'masa' man,' ta, miri pe p̄ra, 'Te'm̄'sa'kai' ayapon tan̄se enta,' ta?
 10 Seri pe enpoika uya si seri non po, Ka'pon, Papa winon piyau merunti esi makoi pi' usentu'man nito'," ta'p̄ iya, miripan uya ipu'tika'sa' ka'pon pi' ta'p̄, 11 "Ta uya ipi', e'm̄'sa'ka', ayapon an̄nki, enna'po' apata'se' ya!" ta'p̄.

12 To' uya ri enpi'tane ka'pon e'm̄'sa'ka'p̄, tapon an̄m̄'p̄ iya, miripan uti'p̄. Ipan pe ri to' usewansiuka'p̄, miripan kon uya Papa apurip̄it̄'p̄, "Seri waraino ensa' uya'nokon p̄ra ri man!" tai'ma.

*Ripai K̄'ma'p̄ Sises Uya T̄poitor̄ Pe
 (Ma'siu 9:9-13; Ɔru' 5:27-32)*

13 Sises enna'pokaap̄ kanan parau ku'p̄iri e'pi pona. Anp̄sin pe ka'pon am̄' uyee'p̄ ipiya', miripan kon enupa pi' iye'sara'ti'p̄. 14 Isari koro'tau, p̄rata am̄ran̄'nin, Ripai, Ar̄'piyas mu ene'p̄ iya, iyereutasa' p̄rata am̄ran̄'to' iw̄' tau. Sises uya ta'p̄ ipi', "Uya'kiri isi'ki," miripan Ripai e'm̄'sa'ka'p̄, iti'p̄ iya'kiri.

15 Sises esi koro'tau enta'nan pi' Ripai iw̄' tau tu'kan kon ni p̄rata am̄ran̄'nin nan miri awonsi'ki t̄makooikena' nan esi'p̄ enta'nan pi' ipokon pe, miri awonsi'ki ipoitor̄ ton pokon pe ri, ap̄ne p̄ra tu'ke ri ip̄ikiri to' esi ke. 16 Main pi' enupanin nan tonpa ton, Pari'si am̄' pe te'san uya Sises enta'na ene'p̄ p̄rata am̄ran̄'nin nan miri awonsi'ki t̄makooikena' nan pokon pe, miripan

kon uya ipoitoru ton ekama'po'pu, "I'ri pe iyese pi' kamoro rupi pokon pe iyenta'na?" ta'pu.

¹⁷ Sises uya to' eta'pu, miripan kon eiku'pu iya, "Atu' pe te'san ka'pon amu' esi miri ta'ta i'se para ri, e'tane kamoro takuru'ke te'san niken esi i'se. Uye'sa' seri ipokena' ton ni ka'pon amu' ki'mase'na pen, e'tane tumakooikena' nan niken," ta'pu iya.

I'ri Pe Iyese Pi' Useruman?

(Ma'siu 9:14-17; Uru' 5:33-39)

¹⁸ Isaan Pa'tes miri awonsi'ki Pari'si amu' poitoru ton useruma esi'pu tenta'nai' para. Turon kon ka'pon amu' uyee'pu Sises piya' ekama'pose'na, "I'ri pe iyese pi' Isaan Pa'tes poitoru ton miri awonsi'ki Pari'si amu' poitoru ton useruma tenta'nai' para, e'tane ipoitoru ton useruma para ri iyese?" ta'pu to' uya.

¹⁹ Sises uya to' eiku'pu, "Nai kasa warawo' temari'masen naki'ma'san useruma tenta'nai' para tuiyau'nokon ni iye'tane? To' useruma para iyese tuiyau'nokon iye'tane. ²⁰ E'tane iweyu e'sepoto' oton warawo' temari'masen emo'kato' oton to' piyapai; miri wai a'tai nin si, to' useruma miri tenta'nai' para.

²¹ "Inu' uya ri emenna' pon ke ipooi'pi pon a'si'ti para ri iyese miri. Miri kasa iyese yau, emenna' pon uya ipooi'pi pon karaka eke pe ri iteuta taku'se.

²² Inu' uya ri emenna' waain enti para ri iyese miri ipooi'pi iten ya'. Miri kasa iyese yau, asa'ri ri nin si ima'ta miri. Emenna' iten esi emenna' waain yen pe," ta'pu iya.

Sapa' Eseru Ekama'popitu

(Ma'siu 12:1-8; Uru' 6:1-5)

²³ Taron ni Sapa' a'tai, Sises uti esi'pu a'nai' e'kwa nawiri. Tauti'ma'nokon ipoitoru ton uya a'nai' e'suruupi'sa' i'kwi'pitu'pu. ²⁴ Pari'si amu' uya ta'pu ipi', "Apune enki, i'ri pe iyese pi' Main uya tuku'sen pen Sapa' a'tai tasa' ru'pu kupu to' uya?" ta'pu.

²⁵ Sises uya to' eiku'pu, "Etanin nan pen pe' imiri'nokon Tepi' nukupu'pu tapoitoru ton pokon pe, iwan pe tesi kon pi' tenta'nato' kon i'se tesi kon a'tai? ²⁶ Miripan uti'pu Papa iwu' ta', miripan enta'na'pu ipuremasa' pareti pi'. Seri e'kupu'pu Apiya'ta, Papa ena' use'man nito' tarawasomanin nan epuru a'tai. Use'man nito' tarawasomanin nan niken nikunu Main uya tasa' awiri. E'tane Tepi' enta'na'pu ipi', miri awonsi'ki tatonpa ton ni niri repapitu'pu iya," ta'pu iya.

²⁷ Miripan Sises uya ta'pu, "Sapa' ekonekasa' ka'pon iwano' pe, ka'pon ekonekasa' pen Sapa' iwano' pe. ²⁸ Miri uriya', Ka'pon, Papa winon esi Sapa' Epuru pe ri," ta'pu iya.

3

Ka'pon Iyaiputasa' Itemiya (Ma'siu 12:9-14; Uru' 6:6-11)

¹ Taron ni a'tai Sises uti'pu Esuweru amu' usenupato' iwu' ta'. Miri yau, ka'pon iyaiputasa' amurasa' itemiyatu esi'pu. ² Taron kon esi'pu Sises eseru'tito' tuya'nokon iwenai kupu iya ene i'se, miripan kon uya a'ko pe esii'ma enpitu'pu, Sapa' a'tai pe' epi'ti iya tukai'. ³ Sises uya ta'pu ka'pon iyaiputasa' amurasa' itemiyatu pi', "E'mu'sa'ka'

tanporon kon rau,” ta'p_u iya. ⁴ Miripan uya ka'pon am_u' ekama'po'p_u, “Nai esi Main, Mosi winon awiri Sapa' a'tai tuku'sen pe: wak_u kup_u, miri pe p_ura iri kup_u kati? Ka'pon pika'ti ima'ta namai', miri pe p_ura iwini kati?” ta'p_u iya. E'tane e'pana to' esi'p_u.

⁵ Sises usakorota uya to' enpit_u'p_u, ipan pe ri ipokoitai'ma ri mari, ap_une p_ura sa'man pe ri to' ewan esi pi', miripan uya ta'p_u ka'pon pi', “Iyemiyat_u inka!” Inka'p_u iya, miripan emiyat_u enna'po'p_u tesi'p_u ya'. ⁶ Miri a'tai, Pari'si am_u' uya t_usenupato' kon iw_u' nimi'p_u, miripan kon e'seporo'p_u kin pe te'sen, Era' tonpa ton pokon pe, miripan kon ekoneka'p_u Sises wito' pe t_uuya'nokon pi'.

Anpisin Esi'p_u Parau Ku'p_uri E'pi Po

⁷ Sises miri awonsi'ki ipoitor_u ton uti'p_u parau ku'p_uri ka'. Tu'ke ri anpisin Kiyarari winon kon uti'p_u ipikiri. ⁸ P_usamoro uyee'p_u Isutiya wini, Surusiran wini, Itumiya wini, Isotan ratoi nono wini, miri awonsi'ki Taya miri awonsi'ki Saitan nono wini'ne. Anpisin ton ni uyee'p_u Sises piya', ap_une p_ura inkup_un_u etasa' t_uuya'nokon pi'. ⁹ Ap_une p_ura anpisin pe ri to' esi pi', Sises uya t_upoitor_u ton auro'ka'p_u kanau epoto' pe to' uya tekanwa'tito' ya' ka'pon am_u' uya tu'ke ri t_uu'na'ti namai'. ¹⁰ Tu'kan kon ni epi'tisa' iya pi', tanporon kon ni takuru'kena' nan uyee'p_u t_uuta'tu'mapi'se ri a'pi'se'na. ¹¹ Makoi* a'kwar_u yen ton uya ensa' a'tai, to' uta'mo'kapit_u'p_u irakui', miripan

3:10 Ma' 4:1; Ɔru' 5:1-3
maimu yau; v. 30 yau niri.

* **3:11** Makoi, miri pe p_ura Iri, Kiri'

kon upirorɔnpitɔ'pɔ, “Imiri ri kari Papa Mumu!” ta'pɔ to' uya.

¹² Sises uya e'se'ne' pe makoi a'kwarɔ yen ton panama'pɔ, kari ri kari ri ta to' uya namai' tɔpi'.

Sises Uya Tɔpoitorɔ Ton Anɔmɔ'pɔ
(Ma'siu 10:1-4; Ɔru' 6:12-16)

¹³ Sises uti'pɔ wɔ' pona ri, miripan uya kamo i'se te'to' ton ki'ma'pɔ, miripan kon uyee'pɔ ipiya', ¹⁴ miripan kon anɔmɔ'pɔ iya 12 kaisa ri. To' koneka'pɔ iya itekare ekamai' enno'sa' kon pe, tɔpiyau to' e'to' pe miri awonsi'ki to' enno'to' pe tɔuya itekare ekamase'na, ¹⁵ tɔmeruntirɔ ke to' e'to' pe makoi a'kwarɔ enpa'kapi'nin nan pe.

¹⁶ Pɔsamoro si inanɔmɔ'san 12 kaisaron kon: Saiman (Pi'ta tukai' inese'ti'pɔ); ¹⁷ Isens miri awonsi'ki Isaan, Sepiti munki amɔ' (Powanoses tukai' to' ese'ti'pɔ iya, Korɔme Munki ta e'kwa pe); ¹⁸ Anturu, Piri', Pa'taramiu, Ma'siu, Tamas, Isens Arɔ'piyas mu, Tatiyas, Saiman Usera' tukai' tesa'sen,† ¹⁹ Isutas Eskariya', eparankanin pe iyesi'pɔ na'ne'.

Sises Miri Awonsi'ki Piri'sipupɔ
(Ma'siu 12:22-32; Ɔru' 11:14-23; 12:10)

²⁰ Sises ewomɔ'pɔ iuti ta'. Anpisin ni kanan amarakaa'pɔ Sises miri awonsi'ki ipoitorɔ ton enta'nato' a'tai pɔra ri. ²¹ Serɔ etasa' itonpa ton uya a'tai, ikan to' uti'pɔ, arɔne pɔra ka'pon amɔ' uya, “Itano'masa',” ta pi'.

† **3:18** Usera'—Roman amɔ' enapai temo'ka kon i'sero'.

²² Taron kon Main pi' enupanin nan Surusiran wini iye'sa' kon uya ta'pɛ, “Pirisipupɛ† esi miri iyau. Makoi amɛ' epuru wini makoi a'kwarɛ ton enpa'kapitɛ iya miri,” ta'pɛ.

²³ Miri uriya', Sises uya ka'pon amɛ' ki'ma'pɛ tɛpiya'. Miri yau, panton ekama'pɛ iya to' pi': “Nai kasa Se'tan§ niri enpa'ka Se'tan uya tukai’?

²⁴ Esa' wannɛ ton epantakapi'sa' yau, tiwano' pe ri isewa'nomai' to' uko'mamɛ pen ni miri. ²⁵ Isiwɛ' tau te'san epantakapi'sa' pe iyesei yau, tiwano' kon pe isewa'nomai' kamoro uko'mamɛ pen ni miri.

²⁶ Miri awonsi'ki tiwano' pe ri Se'tan usewa'noma yau miripan epantakapi'sa', moro iko'mamɛ pen ni miri; iu'ma'to' ri e'seposa'.

²⁷ “Inɛ' ri ewomɛ pɛra iyesei miri pana'pan ka'pon iwɛ' ta' tanporo itapuruuɛ e'ma'tise'na, wapiya auronpi'sa' iya a'tai riken; miri a'tai nin si, itimamin ari iya itiwɛ' tapai.

²⁸ “Inapairon ekama uya ipi'nokon, tanporon ni ka'pon amɛ' makooi, isapema pe ri to' usauro'sa' rɛ'pɛ pi'* usentu'man. ²⁹ E'tane inɛ' ri kuri isapema pe Wakɛ A'kwarɛ pi' isauro'sa' pi' usentu'man pɛra ri iyesei miri, apɛne pɛra siyaro' pe ri iye'makoimasa' miri,” ta'pɛ iya.

³⁰ Sises uya seri ta'pɛ, taron kon uya, “Makoi a'kwarɛ esi iyau,” tasa' pi'.

† **3:22** Pirisipupɛ - futi epuru ta e'kwa pe, Makoi ese' isakon.

3:22 Ma'siu 9:34; 10:25 § **3:23** Se'tan—Makoi ese' isakon, Papa eseru ewaruma'tinin ta e'kwa pe; v. 26 yau niri. * **3:28** Taron ni imenukasa' ton, isapema pe ri to' usauro'sa' rɛ'pɛ pi' Papa pi', tawon esi. **3:29** Ɔru' 12:10

Sises San Miri Awonsi'ki Iyakon Non
(*Ma'siu 12:46-50; Ƴru' 8:19-21*)

³¹ Miri a'tai, Sises san miri awonsi'ki iyakon non uyee'p_u. Te'soto'pi'se p_uroroi po iki'manin ennoko'p_u to' uya. ³² Anpisin ton ni ereutapi'sa' esi'p_u Sises woi, miripan kon uya ipana'ti'p_u, “Asan miri awonsi'ki ayakon non esi p_uroroi po awarinpa pi',” ta'p_u to' uya.

³³ Sises uya to' ekama'po'p_u, “Inu' si usan? Inu' yan si uyakon non?” ta'p_u iya. ³⁴ To' si ene'p_u iya, ka'pon am_u' ereutapi'sa' t_uwoi, miripan uya ta'p_u, “P_usamoro usanon miri awonsi'ki uyakon non. ³⁵ Inu' ri Papa e'to' i'se ku'nin esi miri uyakon pe miri awonsi'ki uparusi pe miri awonsi'ki usan pe,” ta'p_u iya.

4

Umi Pi' Te'sen Pantom_u
(*Ma'siu 13:1-23; Ƴru' 8:4-15*)

¹ Sises kanan e'sara'tikaa'p_u to' enupa pi' pa-rau ku'p_uri piyau. Anpisin ton ka'pon am_u' iwoi iyam_urasa' kon esi'p_u tu'ke ri. Miri pi', iyekanwa'ti'p_u kanau ya' ereutai' parau ku'p_uri kau, tanporo ka'pon am_u' e'tane a'mun po, tuna e'pi po. ² Tu'kan pi' ri to' enupa'p_u iya panton yai. To' enupa t_uuya yau, ta'p_u iya to' pi':

³ “Ap_une etati'! Umi pi' te'sen uti'p_u kiyari ye' pinse'na t_upa'karakai'. ⁴ Ipa'karaka iya koro'tau, t_uron ni ton uta'pok_u'p_u asanta ta'. Toron am_u' uyee'p_u miripan kon uya iku'p_u. ⁵ T_uron ni ton uta'pok_u'p_u ti' pe te'sen ya', eke pe p_ura te'sen non ya'. Inke p_ura iya'ta'p_u, ap_une p_ura i'nau p_ura

non esi ke. ⁶ E'tane w_{hi} enu enu'sa' a'tai, a'ne' pe ipuru'p_u iya miripan aiputa'p_u, ap_une p_ura imi' ton utipi'sa' p_ura iyesei wenai. ⁷ T_uron ni ton ite' ton uta'poku'p_u tik_ukenan nu'ta'. Iya'ta'p_u, miripan e'tane iwitanuku'p_u iya, miripan epeta'p_u pen ni. ⁸ Miri e'tane ri, t_uron ni ton uta'poku'p_u waku non ya', miripan uwa'ta'p_u, miripan epeta'p_u t_uron ni ton esi'p_u 30 kaisa ri ite'kwa iteperu, t_uron ni 60, miri awonsi'ki 100 kaisari ri ite'kwa e'to' airi inpimi'p_u entai ri," ta'p_u iya.

⁹ Miri a'tai Sises uya ta'p_u, "K_uri t_upana ke na'ne' etato' ike, tiwi netai," ta'p_u.

¹⁰ Sises esi koro'tau tikin sari, isauroku etanin nu'san uyee'p_u ipoitor_u ton pokon pe ekama'pose'na, i'ri ta iya e'kwa pe iyesei tukai'.

¹¹ To' pi' ta'p_u iya, "Ama' aino Papa e'to' esa' wann_i pe e'tusa' iyena'nokon. E'tane kamoro mi airon kon pi' tanporon ni usekama panton yai,

¹² "to' uya ri enpitu miri e'tane waku pe to' uya ene pen ni,

to' uya ri eta miri ito'ka'nuku'i'ma p_ura ri.

Miri kup_u to' uya pe iyesei yau, to' era'ti ne-sii'no Papa winuku'i', miripan kon pi' nin nu'sentu'mai'no.'*

tasa' iya."

¹³ Miri a'tai, Sises uya ta'p_u to' pi', "Seri pe' panton to'ka'nuku' auya'nokon p_ura ri iyesei? I'ri kasa ken si t_uron ni panton to'ka'nuku' kon pa? ¹⁴ Umi pi' te'sen uya Papa Maimu pa'karaka. ¹⁵ T_uron kon ka'pon am_u' esi ite' ipa'karakasa' uta'po'sa' asanta ta' kasa. Eta to' uya pe ri, Se'tan[†] uyep_u

* 4:12 Aisaya 6:9-10 † 4:15 Se'tan—Makoi ese' isakon, Papa eseru ewaruma'tinin ta e'kwa pe.

Main mo'kase'na to' ya' ipa'karakasa'. ¹⁶ Taron kon ka'pon amu' esi ite' ton ti' pona ita'po'sa' kasa. Main eta taya'nokon a'tai, inke para ri to' uya anumu tepori'ma kon pe. ¹⁷ E'tane to' mi' para to' esi, inke to' uko'mamu para iyese. I'ri ri anpokumanin miri pe para kota'manin uye'sa' a'tai main uriya', inke para to' e'nonka ipiyapai. ¹⁸ Miri e'tane ri, taron kon ka'pon amu' esi miri ite' tikakenan nu'ta' ipa'karakasa' kasa, main etanin nan, ¹⁹ e'tane tuko'manto' kon pi' tusewankamasan, iparataa'ike' pe e'nito' nenku'tinu ton, miri awonsi'ki taron ni ton ni i'se to' e'to' uya main iwitanaku. Miri uya nin si iyepeta para ikupu. ²⁰ Taron kon nin si esi miri ite' waku non ya' ipa'karakasa' kasa. To' uya main eta, miri awonsi'ki to' uya ri anumu, miripan kon epeta 30, 60, miri awonsi'ki 100 kaisari ri ite'kwa ipa'karakasa' ru'pu entai ri," ta'pu iya.

Raan'pu Pusu O'non

(Uru' 8:16-18)

²¹ Ta'pu iya to' pi', "Inu' ri pe' raan'pu ewonna'nin pusu o'koi' itato' pe taya, miri pe para e'nan nito' apon o'koi' ri? E'tane ru'ku, itapon pona pe' itanin pen imiri? ²² Apune para onansa' pe te'sen e'niponkato' pe ri iyese; iwapu'tisa' pe te'sen epa'ka kipo'pona. ²³ Kuri tapana ke na'ne' etato' ike, tiwi netai!" ta'pu iya.

²⁴ Ta'pu iya kanan to' pi', "Inetanu kon pi' waku pe isenuminkati'. I'tuto' auya yai pe ri inkupu'pu yai iyena' i'tu miri—miri entai ri. ²⁵ Inu' ri itesa'

pe te'sen repa miri miyari ri. Inu' ri i'ri esa' pen ni enapai imo'ka miri, itenawon nu'kwi ri,” ta'pu iya.

Ta'tasen Itena'pi Pantomu

²⁶ Sises uya kanan takaa'pu, “Papa e'to' esa' wannu pe esi miri ka'pon kiyari ye' pinnin tupa'karakai' tumainaru yau kasa. ²⁷ Iye'nantane ri ewarupi nau, ipakasa' ri e'tane wui nai, kiyari ye' ri a'ta miri, i'ri kasa iye'sa' tukai' i'tu iya para ri iyese. ²⁸ Non uya ri iya'tato' pe ikupu, miri awonsi'ki iyepetato' pe ri niri ikupu iya: wapiya ite' pe te'ton epa'ka; miri tupo, i'pai, miri awonsi'ki nin si iyi ton utaka. ²⁹ Iyaku'pusa' a'tai nin si, iye'sara'ti miri e'turawasoman pi' a'tito' tuuya tumariyaru, si'kuru tato' ke, apune para ananto' weyu e'seposa' pi',” ta'pu iya.

Mosta' Itese' Kiyari Ye' Ena'pi Pantomu
(Ma'siu 13:31-32, 34; Uru' 13:18-19)

³⁰ Takaa'pu iya kanan, “I'ri kasa Papa e'to' esa' wannu pe esi ta? I'ri rupi panton ekama, ekamanin pe? ³¹ Mosta' ena'pi, aiko ru'kwi kuru kasa iyese, inpiminu non ya'. ³² E'tane ipinsa' a'tai, iya'ta miri eke pe ri taron ni ye' ton umi yawon entai ri. Eke ton pe ri ipanta ton esi toron amu' ri esi itinu'kenanu yau,” ta'pu iya.

³³ Sises uya tekareei ekama'pu ka'pon amu' pi' tu'kan ni seri warai'nan panton yai'ne, to' uya ito'ka'naku poken. ³⁴ Panton tapurii' para to' auro'ka iya poken para ri iyese'pu. E'tane tupoitoru ton pokon pe tesi a'tai tikin sari, miri ta iya e'kwa pe iyese tukai' ekama'pu iya to' pi'.

Sipa'sipa EreutanꞰku'pꞰ Sises Uya
(*Ma'siu 8:23-27; Ƴru' 8:22-25*)

³⁵ Miri ko'mamiri pe ri, Sises uya, “Iratoi pona utinpai'nokon,” ta'pꞰ tꞰpoitorꞰ ton pi'. ³⁶ Anpisin ton ka'pon amꞰ nꞰmi'pꞰ to' uya. Sises e'to' iyau kanau ya' ipoitorꞰ ton ekanwa'ti'pꞰ, miripan kon uya ari'pꞰ. TꞰron ni ton ni kanau amꞰ esi'pꞰ moro.

³⁷ Pana' pe ri a'setun uyee'pꞰ, sipa'sipa uya eke pe tuna anuku'pꞰ kanau yau, isemꞰ'nꞰku' poken ni tꞰku'se. ³⁸ Sises esi'pꞰ e'nꞰn ni pi' iyaure yau, eke'nan tapon po. IpoitorꞰ ton uya enpaka'pꞰ, miripan pi', “Ti'sa, ina pe' aputa pi' iusewankama pꞰra ri iyese miri?” ta'pꞰ to' uya.

³⁹ Sises e'mꞰ'sa'kasa' uya a'setun eseremekꞰ'pꞰ, “E'paka'ki!” miri awonsi'ki sipa'sipa pi', “E'tutꞰika'!” ta'pꞰ iya. Miri a'tai ri, a'setun ereuta'pꞰ, miri awonsi'ki wakꞰ pe ri pata ena'pꞰ.

⁴⁰ TꞰpoitorꞰ ton pi' Sises uya ta'pꞰ, “I'ri pi' iyenari'nꞰmꞰ kon? AnapurinꞰ kon pꞰra ri mari pe' iyese miri?” ta'pꞰ iya.

⁴¹ E'tane to' etꞰipi'sa' esi'pꞰ, “InꞰ' ri si pꞰse ri ka'pon?” tukai' to' usekama'popitꞰ'pꞰ. “A'setun miri awonsi'ki sipa'sipa ri e'to' imaimu awiri!” ta'pꞰ to' uya.

5

Makoi A'kwarꞰ Yen Ka'pon Epi'ti'pꞰ Sises Uya
(*Ma'siu 8:28-34; Ƴru' 8:26-39*)

¹ Kerasin* amꞰ nono pona to' uti'pꞰ, parau ku'piri ratoi pon kon. ² Sises ekanwakasa'

* **5:1** TꞰron ni ton inmenukasa' uya Katarens ta; tꞰron ni ton inmenukasa' uya KerꞰkesens ta.

koro'tau, ka'pon uruwai' apai iyepa'kasa' uya eporo'p_u. P_use ri ka'pon yau makoi† a'kwar_u esi'p_u, ³ miripan uko'mansa' esi'p_u uruwai' koro'tau, in_u' uya ri tauronpi'se enkurunpa poken p_ura ri iyenaka'sa' esi'p_u, i'sen ke ri auronpitu poken p_ura ri. ⁴ Inke ri i'ta ton miri awonsi'ki itemiyat_u ton auronpitu'p_u to' uya esi'p_u i'sen am_u' ke, e'tane ri miri ton ni i'kiripitu'p_u iya, miri awonsi'ki wa'ka pun ni ti'ta pi' te'sen a'morupitu'p_u iya. In_u' uya ereutan_uka poken p_ura ri, ipan pe ri pana' pe iyesi'p_u. ⁵ Ewarupi' tau miri awonsi'ki wai nai ri usarin pi' iyesi'p_u uruwai' miri awonsi'ki w_u' poro'ne ri, uki'pi'n_unpi' ni pi' ri, tiwano' pe ri uta'tipi' ni pi' ti' ke.

⁶ Innonsi'ki Sises ensa' t_uuya a'tai, iyeka'tum_u'p_u, miripan e'sekunka'p_u irau. ⁷ Miripan uki'pi'n_uam_u'p_u eke pe ri, "Sises, eke Papa Mumu, i'ri pe ukup_u i'se me'an? Papa pi', 'Ikota'ma uya pen,' ka'ki!" ta'p_u iya. ⁸ Seri ta'p_u iya, ap_une p_ura Sises uya makoi a'kwar_u pi', "P_use ka'pon yapai epa'kaki!" tasa' pi'.

⁹ "In_u' iyese'?" ta'p_u Sises uya ipi'.

"Anpisin ton kuwayau am_u' uyese'," tukai' eiku'p_u iya. ¹⁰ Ipan pe ri Sises pawana'ti pi' iyesi'p_u miri pata yapai iri a'kwar_u ton ennoko iya namai'.

¹¹ A'ko pe ri tu'kan kon ni peiruku am_u' esi'p_u enta'nan pi' i'k_ur_u po. ¹² Sises pawana'ti'p_u iri a'kwar_u ton uya peiruku am_u' ya' tenno'to' kon pe iya. ¹³ To' nin si utito' pe ikup_u'p_u iya miri. Iri a'kwar_u ton nin si uti'p_u miri ka'pon yapai peiruku am_u' ya'. Tanporo ri nin si, 2,000 e'to' airon kon

† 5:2 makoi, miri pe p_ura iri, Kiri' maimu yau; v. 8, 13 yau ri niri.

peiruku amu' e'turu'kwa'pu, miripan kon aputa'pu parau ku'piri ka'.

¹⁴ To' pa'sima pi' te'san ka'pon amu' eka'tumu'pu pata pona itekareei ekamase'na, umi yau'ne ri te'san pana'ti'pu to' uya. Iye'ku'sa' ru'pu ense'na ka'pon amu' uti'pu. ¹⁵ To' uyee'pu Sises piya', miripan kon uya kari ri anpisin kuwayau makoi a'kwaru yen pe te'sen ka'pon ene'pu iyepontisa', iyereutasa' esi'pu, waku pe iya'kwaru. Tanporo enari'ke' pe to' ena'pu miri pi'. ¹⁶ Kamoro enin nu'san uya ka'pon amu' pana'ti'pu iye'ku'sa' makoi a'kwaru yen ka'pon pi' miri awonsi'ki peiruku amu' pi' ri niri. ¹⁷ Miripan kon uya Sises ekama'po'pu itito' pe tunono kon apai.

¹⁸ Sises ekanwa'ti koro'tau kanau ya', makoi a'kwaru yen nu'pu ka'pon uya ekama'po'pu, "Aya'kiri uti'ya," ta'pu iya. ¹⁹ E'tane Sises esi'pu iti i'se pu'ra, e'tane, "Enna'poki apata ya', itonpa ton koro'ta'. Eke pe ri Itepuru nukupu'pu ipi' isentu'masa' ekamata," ta'pu iya.

²⁰ Miripan uti'pu tanporo Te'ka'pores† poro, Sises nukupu'pu tupi' ekama pi', miri pi' tanporon kon usewansiuka'pu.

*Iyeri'sa' Uri'san Mare, Takuru'kenan Uri'san
(Ma'siu 9:18-26; Uru' 8:40-56)*

²¹ Sises enna'po'pu iye'kwiritu'pu parau ku'piri ratoi pona. Miri yau parau ku'piri ka'ta po, anpisin pe ri to' amara'pu iwoi. ²² Isairas, Esuweru amu' usenupato' iwu' epuru uyee'pu, miripan Sises ensa' tuya a'tai ita'mo'ka'pu ita

† **5:20** Te'ka'pores—10 Kaisaron Eke Pata Ton ta e'kwa pe iyesi.

piya'. ²³ Miripan ipan pe ri ipawana'ti'p_u iya, "Aiko ru'kw_i uyensi man takuru'ke, iyeri'kap_u ri. Ap_une isi'ki, iyemiyat_u inonkatan_u'ki ipona, miripan usepi'tito' pe iyerik_u namai," ta'p_u iya. ²⁴ Miripan Sises e'sara'ti'p_u iya'kiri. Miri a'tai, tu'kan kon ni ka'pon am_u' uti'p_u iya'kiri, to' uya iwonti'p_u sen wini'ne ri.

²⁵ Miri yau, uri'san esi'p_u 12 kaisa ri w_upiya m_un ennoko pi' iko'mansa'. ²⁶ Tu'kan kon ni ta'ta am_u' uya epi'ti tane, t_up_urataai ri enno'tane iya to' e'ma pi', e'tane t_uusepi'ti pe ekama tane iya, miyari ri ipan pe ri iyena'p_u. ²⁷ Miripan uya ru'kw_i Sises eta'p_u, iyee'p_u anpin ton koro'tau ite'ma'p_u pe. ²⁸ "Ipon nu'kw_i ri a'pi'sa' uya yau, usepi'ti ri miri," ta'p_u iya ti'nau ru'kw_i ri.

²⁹ Ipon a'pitu'p_u iya, miripan m_un t_utisen ereuta'p_u miri a'tai ri. E'ne' pe iye'to' anpokamanin usepi'ti'p_u.

³⁰ Miri a'tai ri, Sises uya t_umeruntir_u epa'ka'p_u i'tu'p_u, miripan era'tipitu'p_u anpin koro'tau, miripan uya ta'p_u, "In_u' upon a'pitui?" tai'ma.

³¹ Ipoitor_u ton uya eiku'p_u, "Ene auya para pe' nai ka'pon am_u' uya iwontisa'? I'ri pe iyesi pi', In_u' uya'pitui?' ta auya?" ³² E'tane ri Sises uya tenu t_upit_u'p_u, in_u' uya iku'sa' tukai'.

³³ Miripan uri'san uya i'tu'p_u t_upi' iye'ku'sa', miripan uyee'p_u e'tititi'kai'ma ri tenari'n_um_u ke. Ita'mo'ka'p_u i'ta piya', miripan uya tanporo ri i'napairon ekama'p_u ipi', t_upi' iye'ku'sa' ru'p_u.

³⁴ Sises uya ta'p_u ipi', "Ma'non, anapurin_u uya ri ikonekasa' miri wak_u pe. Enta si t_uusewankamai'

pura, iusepi'tisa' si miri iyewankamanin apai," ta'pu iya.

³⁵ Miri koro'tau, Isairas pana'tinin nan uyee'pu itiwu' tawonsi'ki, miripan kon uya ta'pu, "Iyensi eri'ka'sa' man. Ti'sa ri kusanpokumai," ta'pu to' uya.

³⁶ Sises esi'pu to' maimu inetapai pura ri, e'tane ta'pu iya ipi', "Kenari'numu, e'tane apuriki riken," ta'pu iya.

³⁷ Miripan inu' ri uti i'se pura iyesi'pu ta'kiri, Pi'ta, Isens miri awonsi'ki iyakon Isaan niken.

³⁸ To' uyee'pu itepuru iwu' ta', miri yau Sises uya tautano'masan eke pe ri ene'pu, pokoi pe ri tukipi'nunpi'se ri tukaransan eta'pu. ³⁹ Miripan ewomu'pu, ta'pu iya to' pi', "I'ri pe iyese pi' tanporo ri autano'ma kon seri? I'ri pi' aukarama kon? Mure eri'sa' pen, iye'numu riken," ta'pu iya. ⁴⁰ Miripan kon e'sara'ti'pu uta'kirin pi' ipi'.

Tanporo to' enpa'ka'pu iya, mure kuirunu miri awonsi'ki isan miri awonsi'ki osoruwawon kon niken tapoitoru ton pokon pe iyewomu'pu mure eri'sa' pata'se airi. ⁴¹ Miripan uya i'mu'sa'ka'pu itemiyatu pi' ta'sii', "Tari'ta kun!" ta'pu iya ("Uri'san mure, e'mu'sa'ka', ta uya ipi'," ta tuuya e'kwa pe). ⁴² Miri a'tai ri, iye'mu'sa'ka'pu, miripan e'sara'ti'pu usarin pi' (12 kaisaron iwupiyaa'i pe iyese'pu). Seri e'ku'sa' pi' ipan pe to' usewan-siuka'pu. ⁴³ Sises uya ipan pe to' pi' ta'pu, "Kusekamatuu inu' yan pi' ri. Irepati' i'ri ru'kwu ri iyenta'nato' ipi' ke," ta'pu iya.

*Sises Ewaruma'ti'pꞤ Nasare' Pon Kon Uya
(Ma'siu 13:53-58; Ƴru' 4:16-30)*

¹ Sises uya miri pata nimi'pꞤ, iyenna'po'pꞤ tꞤpata'se' ya', ipoitorꞤ ton ni itonpa pe. ² Sapa' e'seposa' a'tai, to' enupa pi' iye'sara'ti'pꞤ EsuwerꞤ amꞤ' usenupato' iwꞤ' tau. Tu'ke ri ka'pon amꞤ' esi'pꞤ miri yau, miripan eta tꞤuya'nokon a'tai, tanporon kon ni usewansiuka'pꞤ. “Nai yau seri ton eporo'pꞤ pꞤse ri ka'pon uya?” tukai' to' usekama'popitu'pꞤ. “Ƴri ri pu'ketꞤ ke irepasa' pe iyesi? Ƴri kasa ri eke ri Papa tꞤrawasooi kupꞤ iya? ³ Kiyapinta pen pe' pꞤse ri? Meri mꞤre; Isens, Isoses, Isutas miri awonsi'ki Saiman pokon rui? Seri yau pe' upiyau'nokon iparusi ton pꞤra nai?” ta'pꞤ to' uya. Miripan kon ikinꞤmꞤ'pꞤ ipi'.

⁴ Sises uya ta'pꞤ to' pi', “Ipata'se' yau riken, itonpa ton koro'tau miri awonsi'ki itiwꞤ' ri tau pu'kena' nama pꞤra iyesi,” ta'pꞤ iya. ⁵ Eke Papa tꞤrawasooi kupꞤ iya poken pꞤra ri iyesi'pꞤ miri yau, e'tane ri temiyatꞤ riken nonkapitu'pꞤ iya tu'kan kon pen ka'pon amꞤ' takuru'kena' nan pona, miripan kon epi'tipitu'pꞤ iya. ⁶ Ipan pe ri to' pi' isewansiukapitu'pꞤ, apꞤne pꞤra apurito' to' uya pꞤra iyesi pi'.

Sises Uya 12 Kaisaron Kon TꞤpoitorꞤ Ton Ennoko'pꞤ

(Ma'siu 10:5-15; Ƴru' 9:1-6)

Miripan Sises utipitu'pꞤ eke iwa ton pata ton kaisa ri'ne, ka'pon amꞤ' enupapitu' pi'. ⁷ TꞤpoitorꞤ ton, 12 kaisaron kon tꞤki'mai' tꞤpiya', to' enno'pitu'pꞤ iya asa'ri'ne, miripan kon repa'pꞤ

iya to' meruntirua ke, makoi a'kwarua entai to' e'to' pe. ⁸ Seri ton ke to' auro'ka'pua iya, "I'ri ri kusatuu aya'kiri'nokon iuti kon koro'tau, teke'sen niken —tawenantu ke para ri, tupaikii ke para ri, purata para ri ipokurua kon yau matitui'. ⁹ Sapato yau ri e'ti'; tu'ke ipona ipon kon puro'pon yau ke'tuu," ta'pua iya to' pi'. ¹⁰ To' auro'ka'pua iya kanan, "To' uya iyereutanua'sa' kon na'ne' airi ri, miri ri iuti tau me'tui' pata nimi auya'nokon pona ri. ¹¹ Miri awonsi'ki pata uya iyereutanua'sa' kon para iyesi yau, miri pe para iyetapai'nokon para ri iyesi yau, to' nimi auya'nokon a'tai a'ta kon matiutipi'tui'. Seri uya ri to' pana'ti miri Papa uya to' kota'mato' oton ekamanin pe," ta'pua iya.

¹² Miripan kon uti'pua ka'pon amua' pi' itekare ekamase'na, to' era'tito' pe tumakooi kon apai. ¹³ Miripan tu'ke ri makoi a'kwarua enpa'kapitua'pua to' uya, miripan kon uya tu'kan kon ni takuru'kena' nan karapaimapitua'pua to' epi'tipitua'pua to' uya.

Isaan Pa'tes Uma'tasa'
(*Ma'siu 14:1-12; Uru' 9:7-9*)

¹⁴ Kin Era' uya seri eta'pua, apua'ne para Sises ese' enasa' esi'pua waka'pe kuru ti'tusen pe. Taron kon* uya, "Isaan Pa'tes ri e'mua'sa'kasa' miri teriku'pua apai; miri wenai, eke Papa tarawasooi kupua iya miri," ta'pua to' uya.

¹⁵ Taron kon uya, "Iraisa kuri ri," ta'pua.

Taron kon uya ri kanan, "Pu'kena' kuri ri, penaro' kon pu'kena' amua' esi'pua waraino," ta'pua.

6:11 Uru' 10:4-11; Inkupua'pua 13:51 **6:13** Isens 5:14 * **6:14**
Taron ni imenukasa', Kuri ri, tawon esi. **6:15** Ma'siu 16:14; Ma'
8:28; Uru' 9:19

16 Era' uya etasa' a'tai, "Isaan Pa'tes sa'ne kari ri ko! I'pai unakutu'pu, e'tane ito'pansa' teriku'pu apai!" ta'pu iya.

17 Apune pu'a Era' uya ri Isaan a'sito' pe ikupu'pu. Auronpi'to' pe to' uya ikupu'pu iya, miripan tuto' pe pariki'si ta'. Era' uya seri kupu'pu Eratiyas wenai, tannmari'ma'pu takon Piri' no'pu pe ri iye'tane. 18 Isaan Pa'tes e'pitu'pu Era' auro'ka pi', "Main awiri iwesi pe pu'a iyese miri ayakon no'pu anansa' auya na'ne'," ta'pu iya ipi'.

19 Miri uya Eratiyas ikinunpasa' esi'pu Isaan ni inwipai, e'tane ikupu iya poken pu'a iyese'pu, 20 apune pu'a Era' esi'pu Isaan namanin pe, iwapu pe iyese'pu i'tu tuuya ke, ipokena' pe, miri awonsi'ki waku pe. Isauroku eta tuuya a'tai, ekamura ri iyenapi'pitu'pu miri ri e'tane imaimu inetapai iyese'pu.

21 Miri yau nin si, iweyu e'sepokaa'pu miri. Tentu'pu weyu ru'pu a'tai, Era' uya enta'nan kupu'pu eke ton itepuru ton, soisa amu' epuru ton, miri awonsi'ki eke ton Kiyarari pata yawon kon ewe'to' iya. 22 Eratiyas mare uye'sa' a'tai amanunse'na, imanumu uya waku pe ri Era' kupu'pu miri awonsi'ki inki'ma'san niri. Miri pi', kin uya ta'pu uri'san pi', "I'se iwe'to' pi' ri uyekama'poki irepa uya miri ike," ta'pu iya. 23 Eke pe ri auro'ka'pu iya tanku'ton pi', "Inekama'po'pu ke ri irepa uya, a'sa'muyai itesa' pe e'to' pata ke ri," ta'pu iya.

24 Miri pi' uri'san epa'ka'pu tusan ekama'pose'na. "I'ri kuru ri ekama'po uya seri?" ta'pu iya.

“Isaan Pa'tes i'pai ru'pu ekama'po,” tukai eiku'pu iya.

²⁵ Miri a'tai ri, tãusenutii' uri'san enna'po'pu kin piya', “Urepa auya i'se e'ai' seripe Isaan Pa'tes i'pai ru'pu ke parapi po!” ta'pu iya.

²⁶ Kin upokoita'pu tãusauroku'pu pi' ipan pe, e'tane, apune pãra ikupu uya kuru tasa' tãuya ru'pu pi' tanki'ma'san pana airi, inurunpa iya poken pãra iyese'pu. ²⁷ Miripan uya inke pãra i'pairakanin ennoko'pu, Isaan i'pai ru'pu ne'to' pe iya. Iti'pu pariki'si ta', miripan uya Isaan i'pairaka'pu. ²⁸ Miripan uya inee'pu parapi po, miripan uya ituru'pu uri'san ena', miripan uya ituru'pu tãsan ena'. ²⁹ Miri tetai', Isaan poitoru ru'san uyee'pu, miripan kon uya itekepu ari'pu, iu'na'tito' pe tãuya'nokon ti' akasa' uruwai' pe ya'.

5,000 Kaisaron Kon Eweku'pu Sises Uya

(Ma'siu 14:13-21; Uru' 9:10-17; Isaan 6:1-14)

³⁰ Enno'sa' kon enna'posa' amãra'pu Sises woi, miripan kon uya tanporo tankupu'pu kon miri awonsi'ki to' enupa'pu tãuya'nokon ni ekama'pu.

³¹ Miri yau, tu'ke ri ka'pon amũ' uye'pitu miri awonsi'ki to' utipitu esi'pu, Sises miri awonsi'ki ipoitoru ton enta'nato' a'tai pãra ri iyese'pu. Miri uriya', to' pi' ta'pu iya, “Utinpai'nokon mi airi ri tu'kena'pi yau e'ni poken miri koro'tau ñumoronkapu kon pa,” ta'pu iya. ³² Miripan kon e'sara'ti'pu utin pi' kanau yau tu'kena'pi pata ya'.

³³ Tu'kan kon ni ka'pon amũ' uya to' ene'pu, to' i'tu'pu to' uya kamoro pe. Miripan kon eka'tumũ'pu tanporo pata ton apai'ne irawiri

a'mun poro, miripan kon uya pata eporo'pu to' rawiri.

³⁴ Sises ekanwakasa' uya tu'ke anpisin pe ka'pon amu' ensa' a'tai, ipan pe ri to' pi' isentu'ma'pu, apune pura to' esi'pu karimeru amu' esi tupa'simanin ke pura kasa. Miripan kon enupa pi' iye'sara'ti'pu tu'kan pi' ri.

³⁵ Pata uko'mansa' a'tai, ipoitoru ton uyee'pu ipiya', miripan kon uya, “Pata uko'manka'sa' kuru ri man, innon sa'ne seri pata ko,” ta'pu. ³⁶ “Ka'pon amu' enno'ki a'ko pan pari umi ton miri awonsi'ki eke iwa ton pata amu' ya'ne, tiwano' kon pe tenta'nato' kon ipi' e'mato' pe to' uya,” ta'pu to' uya.

³⁷ E'tane to' eiku'pu iya, “Imiri'nokon pe ru'kwi ri to' irepati' to' enta'nato' ike ke,” ta'pu iya.

Ta'pu to' uya ipi', “Miri uya 8 kaisa ri kapui ka'pon e'turawasomasa' epe'pu† mo'ka miri! Miri kaisa ri ken pe' ennoko pureti pi' to' ewe'to' pe?” ta'pu to' uya.

³⁸ Sises uya to' ekama'po'pu, “I'ri kaisa ri ru'kwi pureti nai ipiyau'nokon? Apune entanti',” ta'pu iya.

To' uya ensa' a'tai, “5 kaisaron nu'kwi pureti miri awonsi'ki asa'ron kon nu'kwi moro' amu' man,” ta'pu to' uya ipi'.

³⁹ Sises uya ta'pu tupoitoru ton pi', “Ka'pon amu' amuranu'pi'ti' tamu'kuru' ke'ne miripan kon ereutapi'to' pe wana' pona,” ta'pu iya. ⁴⁰ Ka'pon

† **6:37** 8 kaisa ri kapui ka'pon e'turawasomasa' epe'pu—200 tenariyas itese' Kiri' maimu yau. Tikin ni parata pun esi tikin ni wai yau turawaso pi' isenupasa' pen e'mato' ike. (Apune Ma'siu 20:2 enki.)

amꞰ' ereutapitꞰ'pꞰ tamu'kuru' ke'ne 100 kaisa ri'ne miri awonsi'ki 50 kaisa ri'ne.

⁴¹ Miripan Sises uya 5 kaisaron itekiino pꞰreti miri awonsi'ki asa'ron kon nꞰ'kwi moro' amꞰ' anꞰmꞰ'pꞰ. Ka'ta' tenu tꞰtꞰse tenki ta'pꞰ iya Papa pi', i'kwi'pitꞰ'pꞰ iya. ItꞰꞰ'pꞰ iya tꞰpoitorꞰ ton uya ekanto' pe ka'pon amꞰ' ena'. Miri kasa ri mari asa'ron kon nꞰ'kwi moro' amꞰ' kupꞰ'pꞰ iya to' kaisa ri to' e'to' pe.

⁴² Tanporon kon ni enta'na'pꞰ ta'wetapi'se, ⁴³ miripan ipoitorꞰ ton uya 12 kaisa ri pa'siki'ti pꞰreti miri awonsi'ki moro' amꞰ' tonpa'pꞰ e'nonkasa' anuku'pꞰ.

⁴⁴ Warawoti'si amꞰ' pꞰreti pi' iyenta'nasa' kon tu'kanoro esi'pꞰ 5,000 kaisa ri.

Sises Usari'pꞰ Tuna Po

(Ma'siu 14:22-33; Isaan 6:15-21)

⁴⁵ Inke para tꞰpoitorꞰ ton ekanwa'tito' pe kanau ya' ikuu'pꞰ iya, to' utito' pe tꞰrawiri Pe'saita pona, anpisin enno'tane tꞰuya. ⁴⁶ To' nimi tꞰpo, wꞰ' pona iti'pꞰ ipꞰremai'.

⁴⁷ Miri a'tai ko'mamꞰ pe pata enaka'tane, kanau esi'pꞰ parau ku'piri aporo' po. Miri koro'tau, Sises esi'pꞰ tikin sari a'mun po. ⁴⁸ TꞰpoitorꞰ ton utan-pokꞰma ene'pꞰ iya, tꞰakanwa kon i'kura i'se, apꞰne pꞰra a'setun uya to' kota'ma esi'pꞰ to' winikꞰi' tꞰuyepꞰ ke. AwanakꞰi', 3 a'kura' miri pe pꞰra 6 a'kura' ri to' piya' iyee'pꞰ parau ku'piri pꞰro'po. To' ri entaka iya esi'pꞰ.

⁴⁹ E'tane parau ku'piri pꞰro'po isari ene tꞰuya'nokon a'tai, a'kwarꞰ'pꞰ pe to' uya ekama'pꞰ, miripan kon upirorꞰnpitꞰ'pꞰ, ⁵⁰ apꞰne pꞰra

tanporo ensa' tɔuya'nokon pi', miripan kon etɔipitɔ'pɔ ipan pe.

Inke pɔra Sises uya ta'pɔ to' pi', “Merunti pe e'ti'! Uri ri. Ketɔipitɔ'ɔu,” ta'pɔ iya. ⁵¹ Miri a'tai ri, iyekanwa'ti'pɔ kanau ya' to' piya'. Miri a'tai ri, a'setun ereuta'pɔ, miripan poitorɔ ton usewan-siuka'pɔ, ⁵² apɔne pɔra to' uya ito'ka'nɔ'sa' pɔra iyesi'pɔ i'ri kuru ta e'kwa pe pɔreti esi tukai'; to' ewan ni usa'mantasa' esi'pɔ.

*Takuru'kena' Nan Epi'tipitɔ'pɔ Sises Uya
(Ma'siu 14:34-36)*

⁵³ To' i'kwiri'sa' a'tai, to' e'te'ka'pɔ Kenesare' airi, miripan kon uya takanwa kon ewa'ti'pɔ miri yau. ⁵⁴ To' ekanwaka pe ri, ka'pon amɔ uya Sises i'tusa' esi'pɔ. ⁵⁵ Miripan kon eka'tunpitɔ'pɔ, tanporo miri pata nono yau'ne, miripan kon uya takuru'kena' nan epirinpi'sa' te'kwe' kon po nee'pɔ ipiya', miri airi iyesi tukai' etasa' tɔuya'nokon airi. ⁵⁶ Miri awonsi'ki Sises utipitɔ' airi'ne—eke iwa ton pata amɔ, umi amɔ awiri'ne ri—miripan ka'pon amɔ uya takuru'kena' nan apitɔ'pɔ kɔrɔpo'po pi' e'nito' pata'se' ya', miripan kon uya ipan pe ipawana'ti'pɔ takuru'kena' nan uya ipon e'pi a'pi'to' pe, miripan tanporon kon a'pi'nin nɔ'san usepi'tipitɔ'pɔ.

7

*Wakɔ Miri Awonsi'ki Wakɔ Pen
(Ma'siu 15:1-9)*

¹ Pari'si amɔ miri awonsi'ki Main pi' enupanin nan iye'sa' kon Surusiran wini amɔrasa' esi'pɔ Sises woi, ² miripan kon uya tɔron kon ipoitorɔ ton enta'na ene'pɔ iri, ikorɔkasa' pen temiyatɔ kon ke.

3 (Pari'si amu' miri awonsi'ki Esuweru amu' kamoro tenta'nasan pen temiyatu kon korukasa' tuuya'nokon para iye'tane tepuru kon eseru awiri. 4 F'ri ri karapo'po iwu' tapai ine'sa' pi', to' enta'na pen wapiya kuru ikorukasa' tuuya'nokon a'tai riken to' enta'na,* miripan kon uya tenupa'pu kon ni kupu iye'to' awiri Papa enu yau, tukoku kon, terin kon, ka'pa konekasa' ta'sawu kon, miri awonsi'ki te'kwe' kon amu' ri koruka.†)

5 Miri pi' Pari'si amu' miri awonsi'ki Main pi' enupanin nan uya Sises ekama'po'pu, "F'ri pe iyese pi' ipoitoru ton esi para iyese uyepuru kon eseru ru'pu awiri, e'tane iri ri temiyatu kon ke to' enta'na?" ta'pu to' uya.

6 Sises uya to' eiku'pu, "Ipoken ni Aisaya usauroku'pu ipi'nokon, waku pe te'ku'san pi'; iye'menukasa' na'ne':

“Pusamoro uya tanta kon ke riken unama; e'tane inni ri to' ewan esi upiyapai.

7 To' ipurema upi' i'ri epoton kon kasa ri; to' usenupato' esi ka'pon amu' uya to' enupa'pu iyawiri to' e'to.'‡

tukai'. 8 Imiri'nokon uya Papa uya ayapiyontito' kon apuri para iyese, e'tane ka'pon uya iyenupato' kon apuri auya'nokon niken,” ta'pu iya.

9 Miripan uya ta'pu to' pi', “Teseru ke kuru iwesi kon Papa Maimu nonka kon pa, iyaseru kon awiri iwesi kon pa! 10 Mosi' uya tasa', 'Fkairanu

* 7:4 Taron ni imenukasa', F'ri ri pi' to' enta'na para iyese karapo'po iwu' tapai tuaye'sa' kon tapo wapiya tekorukasa' kon a'tai riken to' enta'na, tawon esi. † 7:4 Taron ni imenukasa' ton yau, te'kwe' kon amu' ri, tawon para iyese. ‡ 7:7 Aisaya 29:13

miri awonsi'ki asan inamaki,'[§] miri awonsi'ki, 'Inu' ri tukupunu miri awonsi'ki tusan ni pa'nu'nin wito' pe iyesei.* ¹¹ E'tane ta auya'nokon, ka'pon uya tukupunu miri pe para tusan pi' ta pe iyesei yau, 'I'ri ri ipika'tinin pe uwini ineporonu pan e'tane Kapan pe man' (Papa ena' iye'tuka'sa' man ta e'kwa pe), ¹² miri si i'ri ri kupu iya poken para tukupunu miri pe para tusan iwano' pe ikupu auya'nokon. ¹³ Miri kasa si ipara Papa Maimu kupu auya'nokon iyaseru kon min wini ri iyikwiri'pi'sa' ke. Miri awonsi'ki tu'ke ri inkupunu kon man seri warai'nan," ta'pu iya.

Iri Pe Ka'pon Ku'nin
(Ma'siu 15:10-20)

¹⁴ Sises uya anpisin ton ni ki'makaa'pu kanan tupiya', miripan uya ta'pu to' pi', "Apune uyetati', tanporo imiri'nokon, miri awonsi'ki se ito'ka'nu'ti'. ¹⁵ Miri yau i'ri ri tewonsen para iyesei miri ka'pon ya' kipo'ponsi'ki iri pe iku'se'na, e'tane ka'pon apai iyepa'kasa' uya iri pe ikupu,"† ta'pu iya.

¹⁷ Miripan uya anpisin ton ni nimi'pu, iti'pu iuti ta', miripan ipoitoru ton uya ekama'po'pu seri panton pi'. ¹⁸ "Ito'ka'nu'nin nan pe para ri pe iwesi kon? Ene auya'nokon para pe' iyesei, i'ri ri kipo'ponsi'ki tewonsen ka'pon ya' uya, iri pe ikupu para iyesei? ¹⁹ Apune para iti pen miri itewan ya' e'tane iti miri iwenu'pi ya', miripan epa'ka ipun apai," ta'pu iya. (Sises uya seri ta'pu, tanporo ri

[§] 7:10 E'sotas 20:12; Isu'taronomi 5:16 * 7:10 E'sotas 21:17; Ripaiti'kas 20:9 † 7:15 Taron ni imenukasa' ton uya v. 16 ke iponantisa' se kasa: 16 Miripan tapana ke iwesi kon a'tai etati'. (Apune Ma' 4:23 enki.)

sa'ne kiyari esi miri ko enta'nan nito' ipi' pe, ta tuya e'kwa pe.)

²⁰ Miripan uya ri ta'pu, "Nepa'kayai'ne' ka'pon yapai uya nin ikupu miri iri pe. ²¹ Apune para ka'pon amu' ewan yapai iri isenuminkato' epa'ka, tekumasen pe, ama' e' pe, te'wisen pe, ²² iyemari'masa' ekumankanin pe, mentaino pe, e'wipaino, enku'tinin ye' pe, iri ku'nin pe ri, tikintai', teseru'tii' ka'pon pi' tusauro'sen pe, mi pe ri te'ku'sen pe, miri awonsi'ki ita'kwaru para te'sen pe. ²³ Tanporo seri ton makoi eseru ton epa'kasa' ka'pon apai uya iri pe ri ikupu," ta'pu iya.

*Uri'san Mure Epi'ti'pu Sises Uya
(Ma'siu 15:21-28)*

²⁴ Sises uya miri pata nimi'pu pata Taya itese' pu'ku pona,† miripan ewomu'pu iuti ta', inu' uya ri ti'tu i'se para ri iyese'pu, miri yau iyese' tukai', e'tane iye'so'namu poken para ri iyese'pu. ²⁵ Inke para ri etasa' tuya a'tai, aiko ru'kwi makoi§ a'kwaru yen imure uri'san uyee'pu i'ta piya' ata'mo'kai'. ²⁶ Puse ri uri'san esi'pu ka'kuran pe, taron ni pata winon, iyentusa' Poni'siya, Siriya yawon yau, miripan uya Sises pawana'ti'pu iri a'kwaru enpa'kato' pe iya tumare yapai.

²⁷ "Wapiya mure amu' nenta'nakapu tanporo i'se te'to' kon pe, apune para ipoken para iyese' mure amu' yu pareti eno'ma to' ikan non pero amu' ena'," ta'pu iya.

† **7:24** Tu'kan ni wapiya iwa imenukasa' ton uya: Taya miri awonsi'ki Saitan, ta. § **7:25** makoi, miri pe para iri, Kiri' maimu yau.

28 “Ewai', Epuru, e'tane pero amũ' tepũũ o'non kon ni mũre amũ' i'kiyari punu'pi pi' tenta'nasan ko,” ta'pũ uri'san uya.

29 Sises uya ta'pũ ipi', “Miri kasa uyei'sa' auya pi', enna'poki pata pona; iri a'kwarũ utikaa'pũ man imũre yapai,” ta'pũ iya. 30 Miripan si enna'pokaa'pũ pata pona, miripan uya tũmũre e'pirinkasa' te'kwe' po eporo'pũ, iri a'kwarũ ri si epa'kakaa'pũ esi'pũ iyapai.

Ipana Pũn, Imaimu Pũn Ka'pon Epi'ti'pũ Sises Uya

31 Sises uti'pũ pata Taya pũ'kũ poi, miripan uti'pũ Saitan poro parau ku'pĩri Kiyarari poro, iti esi'pũ Te'ka'pores* nono awiri'ne ri. 32 Tũron kon ka'pon amũ' uya ipana pũn, tũsauro'sen pen ka'pon nee'pũ, miripan kon uya Sises ekama'po'pũ temiyatũ tũto' pe iya ipona.

33 Miripan ari'pũ iya anpin ton piyapai tikin sari, temiyatũ muku'pi tũrũ'pũ iya ipana ya', miri awonsi'ki iyeta'ta'pũ, miripan uya iyani a'pitũ'pũ.

34 Miripan Sises uya tenu tũrũ'pũ ka' winikũi', miripan uya e'se'ne' pe teruparu enpa'ka pe ta'pũ iya ka'pon pi', “E'pa'ta!” (“Ata'koka'!” ta e'kwa pe).

35 Miri a'tai ri, ipana uta'koka'pũ, iyani ekoneka'pũ, miripan usaurokũ'pũ i'ri anpokũmanin pũra ri.

36 Miripan kon ni panama'pũ iya, ipi' to' usauro'pitũ namai'inũ'yan pokon pe ri, e'tane miyari ri to' apiyo'ma tane iya, miyari ri to' uya ekama'pũ.

37 Miripan tanporon kon ni etanin nũ'san usewan-siuka'pũ ipan pe ri: “I'ri kasa wakũ pe ri tanporon

* 7:31 Te'ka'pores ta miri 10 kaisaron eke ton pata amũ' ta e'kwa pe.

ni kupu iya. Ipana pan koneka iya etanin pe; imaimu pan koneka iya tusauro'sen pe!" ta'pu to' uya.

8

4,000 Kaisaron Kon Eweku'pu Sises Uya (Ma'siu 15:32-39)

¹ Inke kuru para ri miri tupo, taron kon kanan anpisin ton amurakaa'pu. To' enta'nato' ipi' para iyessi pi', Sises uya tupoitoru ton ki'ma'pu tupaia', miripan uya ta'pu, ² "Usentu'mayai' pusamoro ka'pon amu' pi', apune para uya'kiri to' e'sa' pi' osoruwau wai, miripan kon enta'nato' ipi' para ri si iyessi. ³ To' enno'sa' uya a'tai to' tewe'se para pata pona to' nin utipitu miri yai tauti kon koro'tau apune para taron kon uye'sa' inni ri," ta'pu iya.

⁴ Ipoitoru ton uya ekama'po'pu, "Nai yau ri ta'kenan yau pusamoro ka'pon amu' ewe'to' ike eporo seri?" ta'pu to' uya.

⁵ "F'ri kaisa ri pareti nai ipiyau'nokon?" ta'pu Sises uya.

To' uya eiku'pu, "7 kaisa ri riken," ta'pu to' uya.

⁶ Anpisin ton apiyo'ma'pu iya to' ereutapi'to' pe non pona, miripan 7 kaisaron nu'kwu riken itekino pareti anumu'pu iya, tenki ta'pu iya Papa pi', miripan i'kwu'pitu'pu iya. Ituru'pu iya tupoitoru ton ena', to' uya ekanto' pe anpisin ton ena', miripan ni kupu'pu ipoitoru ton uya. ⁷ To' piyau kanan aiko ton nu'kwu tu'kan kon pen moro' amu' esi'pu. Miri pi' tenki ta'pu Sises uya, miripan kon ekanto' pe tupoitoru ton uya kanan ikupu'pu iya. ⁸⁻⁹ Tanporon kon enta'na'pu ta'wetapi'se, miri yau 4,000 kaisa ri ka'pon amu' esi'pu, miripan

ipoitoru ton uya ipu'ku ru'san iye'nonkasa' ru'pu entip'u 7 kaisaron pa'siki'ti tãpe'ke'ne. Sises uya nin si ka'pon amu' ennoko'pu miri, ¹⁰ miripan ekanwa'ti'pu kanau ya' miri a'tai ri tãpoitoru ton pokon pe, miripan kon uti'pu Tarumanu'ta nono pu'ku pona.

I'tuto' Ipikiri Ekama'po'pu
(Ma'siu 12:38-42; 16:1-4)

¹¹ Pari'si amu' uyee'pu miripan kon e'sara'ti'pu Sises ekama'popitu pi'. I'tupitu pe to' uya ekama'po'pu i'tuto' ipikiri Eruan winon pi'. ¹² Sises uya e'se'ne' pe teruparu enpa'ka'pu, miripan uya ta'pu, "I'ri pe iyese pi' seri a'taino kon uya eke Papa tãrawasooi, ui'tuto' tãuya'nokon ipikiri ekama'po? I'napairon ekama uya ipi'nokon; miri waraino i'tuto' ipikiri tãru pen ni," ta'pu iya. ¹³ Miripan kon tãninse iyenna'po'pu kanau ya', miripan e'kwiritu'pu iratoi pona.

Pari'si Amu' Miri Awonsi'ki Era' Uya Pãrowa A'sarutanu'to' Ike
(Ma'siu 16:5-12)

¹⁴ Ipoitoru ton upu'tikaa'pu esi'pu tu'ke pãreti ari to' uya pãra, tikin ni riken to' piyau iyese'pu kanau yau. ¹⁵ "Ti'tui' e'ti'; tense e'ti' Pari'si amu' miri awonsi'ki Era' uya pãrowa a'sarutanu'to' ike pi'," tukai' to' panama'pu iya.

¹⁶ To' e'sara'ti'pu usauro'ni pi' tiwano' kon pe. "Aru'ne pãra pãreti pãra iyese pi' isauroku miri," ta'pu to' uya.

17 To' usauro'to' i'tu tɔuya pi' to' ekama'po'pɔ iya, "I'ri pi' ausaurokɔ kon pɔreti pɔra iwesi kon pi'? Ene auya'nokon pɔra ri pe', miri pe pɔra ito'ka'nɔkɔ auya'nokon pɔra ri pe' iyese? Iyewan kon ni usa'manta? 18 Tenu ke ri pe' iwe'tane'nokon ene auya'nokon pɔra iyese? Tɔpana ke ri, e'tane eta auya'nokon pɔra ri? Iyenu kon yau pɔra nai? 19 5 kaisaron pɔreti si'kwɔ'pi'taine' a'tai 5,000 kaisaron kon ka'pon amɔ' iwano' pe, i'ri kaisa ri pa'siki'ti amɔ' tɔpe'tipi'se ipɔ'kɔ rɔ'san mentita'tɔi?" ta'pɔ iya to' pi'.

"12 kaisa ri," ta'pɔ to' uya.

20 "Miri awonsi'ki 7 kaisaron pɔreti si'kwɔ'pi'taine' a'tai 4,000 kaisaron kon ka'pon amɔ' iwano' pe, i'ri kaisa ri pa'siki'ti amɔ' tɔpe'tipi'se ipɔ'kɔ rɔ'san e'nonkasa' mentita'tɔi?" ta'pɔ iya.

"7 kaisa ri," tukai' to' uya eikɔ'pɔ.

21 Ta'pɔ iya to' pi', "Ito'ka'nɔkɔ auya'nokon pɔra ri mari pe' iyese?" ta'pɔ iya.

Tenku'nan Epi'ti'pɔ Sises Uya Pe'saita Po

22 To' uyee'pɔ Pe'saita pona, miri yau ka'pon amɔ' uya tenku'nan ka'pon nee'pɔ Sises piya', miripan kon uya ipawana'ti'pɔ a'pi'to' pe iya.

23 Sises uya tenku'nan ari'pɔ itemiyatɔ pi' ta'sii' eke iwa pata yapai, miripan enu ya' teta'tapitɔ tɔpo, temiyatɔ tɔrɔ'pɔ iya ipona, miripan uya ekama'po'pɔ, "I'ri ri pe' menyan?" ta'pɔ iya ipi'.

24 Miripan uya tenu tɔrɔ'pɔ ka'ta', miripan uya ta'pɔ, "Ewai, ka'pon amɔ' senyai, e'tane to' usene yɔi amɔ' usari kasa ri," ta'pɔ iya.

²⁵ Sises uya kanan temiyat_u tukaa'p_u itenu pona. Seri a'tai kuru si, wak_u pe itenu ena'p_u miri, miripan uya tanporon ni ene'p_u wak_u pe. ²⁶ Sises uya ennoko'p_u ipata'se' ya', "Kenna'poi eke iwa pata pona," ta'p_u iya ipi'.

Pi'ta Uya Sises Ekama'p_u
(Ma'siu 16:13-20; Uru' 9:18-21)

²⁷ Miripan Sises miri awonsi'ki ipoitor_u ton uti'p_u eke iwa ton pata Sisariya Piri'pai oino' nan pona. Asanta tau to' ekama'po'p_u iya, "In_u' pe esi tukai' ka'pon am_u' n_usauro'an?" ta'p_u iya.

²⁸ To' uya entakanoma'p_u, "T_uron kon uya Isaan Pa'tes pe iwesi ta; t_uron kon uya Irais_a pe iwesi ta; t_uron kon uya kuru ri kanan pu'kena' am_u' tonpa ta," ta'p_u to' uya.

²⁹ "E'tane si imiri'nokon, in_u' pe ken si esi mukayat_u?" ta'p_u iya to' pi'.

Pi'ta uya eik_u'p_u, "Imiri kari ri K_ur_ai*!" tukai'.

³⁰ Sises uya to' panama'p_u in_u' pi' ri to' uya tekama namai'.

T_uuma'tato' Ekama'p_u Sises Uya
(Ma'siu 16:21-28; Uru' 9:22-27)

³¹ To' enupa pi' iye'sara'ti'p_u, Ka'pon, Papa winon uya e'ne' moronkato' oton eke pe ri, miripan ewaruma'tito' oton Esuwer_u am_u' epuru ton uya ri, use'man nito' t_urawasomanin nan epuru ton am_u' uya ri, miri awonsi'ki Main pi' enupanin nan uya ri niri, miripan wito' oton, miri awonsi'ki iye'm_u'sa'kato' oton osor_uwau w_ui

8:28 Ma' 6:14-15; Uru' 9:7-8 * **8:29** K_ur_ai (Kiri' maimu yau); miri pe p_ura, Me'saya (Ipuru maimu yau), asa'ri ri mari iyese, Papa Nan_um_u'p_u ta e'kwa pe. **8:29** Isaan 6:68-69

tupo tukai'. ³² Seri ekama'p_u iya wak_u pe kuru ri to' pi', miripan ari'p_u Pi'ta uya esereme'se'na. ³³ E'tane Sises era'tisa' a'tai tupoitor_u ton ense'na, miripan uya Pi'ta eseremek_u'p_u, “Upiyapai enta, Se'tan!”† ta'p_u iya. “Iusenuminkato' esi ka'pon usenuminkato' pe, Papa usenuminkato' kasa p_ura ri,” ta'p_u iya.

³⁴ Miripan uya anpisin ton ki'ma'p_u tupoitor_u ton pokon pe t_upiya', “In_u' ri uyep_u pe iyesi yau uye'ma'p_u pe, tiwi t_upi' ri t_upu'tika'se, takurusukuui tan_use n_uyep_ui upikiri. ³⁵ Ap_une p_ura in_u' ri k_uri t_uuko'manto'† innonkapai p_ura na'ne' uya t_uuko'manto' ri nonka miri, e'tane in_u' ri t_uuko'manto' nonka pi' na'ne' upikiri miri awonsi'ki wak_u itekare pikiri uya inonka pen miri. ³⁶ Wak_u pe pe' ka'pon esi tanporo non pon eponin ta'kwar_u nonkai'ma? Kane ku! ³⁷ Miri pe p_ura, i'ri tar_u iya ta'kwar_u entakano' pe? ³⁸ In_u' ri ipiyit_u yau upi' miri awonsi'ki umaimu ton pi', seri iyemari'masa' ekumankanin nan miri awonsi'ki iri ton seri a'taino kon weyu a'tai'ne, Ka'pon, Papa winon niri ipiyit_u miri ipi', t_uuyep_u a'tai tukaip_un_u meruntir_u yau miri awonsi'ki wak_u ton ni inser_u ama' pokon pe,” ta'p_u Sises uya.

9

¹ Miripan uya ta'p_u to' pi', “T'napairon ekama uya ipi'nokon, seri yau iye'soto'pi'sa' na'ne' nan

† **8:33** Se'tan—Makoi ese' isakon, Papa eseru ewaruma'tinin ta e'kwa pe. **8:34** Ma'siu 10:38; Uru' 14:27 † **8:35** Seri Kiri' maimu yau, ta'kwar_u ta e'kwa pe, miri pe p_ura uko'manto' ta e'kwa pe; v. 36 yau niri. **8:35** Ma'siu 10:39; Uru' 17:33; Isaan 12:25

tonpa ton eri'to' oton pen ni Papa e'to' esa' wannī pe uyepu merunti pe ene tauya'nokon rawiri," ta'pu iya.

Sises Uta'kwaka'pu

(Ma'siu 17:1-13; Uru' 9:28-36)

² 6 kaisa ri wai tupo, Sises uya Pi'ta, Isens miri awonsi'ki Isaan pokon ari'pu ta'kiri. To' ari'pu iya ka'tawon ni wu' pona tu'kenan yau to' e'to' pe. Miri yau to' esi koro'tau, isensima'pu. ³ Ipon ena'pu sirin pe aimu'ne, ipan pe ri aimu'ne inu' ri seri non pon uya ikorukasa' uya aimu'nakasa' entai ri. ⁴ Miripan miri yau Iraisā miri awonsi'ki Mosi' pokon usenpoika'pu to' rakui', Sises auro'ka pi' to' esi'pu. ⁵ Pi'ta uya ta'pu Sises pi', "Rapai,* waku ri pan pe ri seri yau ina man. Tiwi osoruwau iiwu' kon oton amii ina — tikin ni iiwu' pe, Mosi' iwu' pe miri awonsi'ki Iraisā iwu' pe." ⁶ (Miri ta tauya tukai' i'tu iya pura ri iyese'pu, apune pura kuri ri miri awonsi'ki taron kon etapi'sa' esi'pu miri pi'.)

⁷ Miri a'tai, kapuru' usenpoika'pu, miripan uya to' niponti'pu. Main uyee'pu kapuru' apai, "Umu puase ri, Uni'nankanu. Imaimu etati!" tawon.

⁸ Mi awiri tenu kon tapi'tane to' uya, inu' pura ri iyese'pu. Sises ri ken esi'pu to' piyau.

⁹ Wu' ponsi'ki tu'ti kon koro'tau, Sises uya ta'pu to' pi', "Inu' pi' ri inene'pu kon kusekamatau, Ka'pon, Papa winon eri'sa' e'mu'sa'ka pu'ku pona ri," ta'pu iya. ¹⁰ Imaimu awiri to' esi'pu, e'tane tiwano' kon pe to' usekama'popitu'pu miri pi', i'ri

* **9:5** Rapai, Ti'sa ta e'kwa pe **9:7** Ma'siu 3:17; Ma' 1:11; Uru' 3:22; 2 Pi'ta 1:17-18

ta e'kwa pe, “eri'nisa' e'mu'sa'ka pu'ku pona ri,” ta esi tukai'.

¹¹ Miripan kon uya ekama'po'pu, “F'ri pe ken iyese pi' Main pi' enupanin nan uya Iraisia kuru uye'to' oton wapiya ta?” ta'pu to' uya.

¹² To' entakanoma'pu iya, “T'napairi ri Iraisia uyepu wapiya tanporon ni konekai' iyese'pu ya'. F'rito' pe iye'menukasa' Ka'pon, Papa winon ekota'mato' oton ipan pe miri awonsi'ki ewaruma'tito' oton ta? ¹³ E'tane nin si ekama uya ipi'nokon, Iraisia uye'ka'sa', miripan pi' i'se te'to' kon ku'sa' to' uya ipi' iye'menukasa' na'ne' kasa ri,” ta'pu iya.

Warawo' Mure Epi'ti'pu Sises Uya

(Ma'siu 17:14-21; Uru' 9:37-43a)

¹⁴ Ipoitoru ton tonpa ton piya' to' uye'sa' a'tai, anpisin ton ni ka'pon amu' ene'pu to' uya to' oi. Main pi' enupanin nan e'sei'pitu esi'pu to' pokon pe. ¹⁵ Sises ensa' tanporon kon ka'pon amu' uya a'tai, ipan pe ri to' usewansiuka'pu, miripan kon eka'tumu'pu ipiya', “Miyari” ka'se'na ipi'. ¹⁶ Tupoitoru ton ekama'po'pu Sises uya, “F'ri pi' to' pokon pe iye'sei'pitu kon?” ta'pu iya.

¹⁷ Anpisin ton koro'tawon ka'pon uya eiku'pu, “Ti'sa, umu ne'sa' uya ipiya', apune pu'ra iri a'kwaru esi iyau, miripan uya imaimu'kasa'.

¹⁸ Miri iri a'kwaru e'sara'ti a'tai, eno'ma iya non pona. Inta a'koronta, tuyi kititii'ma iya, miripan e'sitinka. Ipoitoru ton ekama'po'pu uya to' uya enpa'kato' pe, e'tane to' uya ikupu poken pu'ra iyese'pu,” ta'pu iya.

19 “Iri si, apurinin nan pen ni seri a'taino kon! I'ri p_u'k_u pona ri ipiyau'nokon esi? I'ri p_u'k_u pona aya'kiri'nokon esi? Ine'ti' upiya,” ta'p_u iya.

20 To' uya inee'p_u ipiya'. Iri a'kwar_u uya Sises ensa' a'tai, inke p_ura warawo' m_ure en-noko'p_u iya yai. Ita'mo'ka'p_u non pona, miripan e'rakairakaima'p_u, inta a'koronta'p_u. 21 “I'ri a'tai seri kasa iyese e'sara'ti'p_u?” ta'p_u Sises uya ikup_u auya pi'.

“M_ure pe iyese'p_u si'kiri ri,” ta'p_u iya. 22 “Inke ri iwini i'se iye'pi'sa' miri teno'mapi'se apo' ya' miri awonsi'ki tuna ka'. Ina pi' isentu'ma', ina ipika'ti', ikup_u auya poken iyese yau,” ta'p_u iya.

23 “I'ri ta auya e'kwa pe iyese, ‘Ikup_u auya poken iyese yau,’ m_ukayai'ne'? Tanporon ni e'kup_u apurinin nan pi',” ta'p_u Sises uya.

24 Inke p_ura warawo' m_ure k_uip_u uya t_uki'pi'n_u pe, “Apuri uya ri; upika'tiki apurinin pe p_ura e'to' entai enato' pe!” ta'p_u iya.

25 Sises uya anp_usin uyep_u a'ko pe t_upiya' ene a'tai, iri a'kwar_u† eseremek_u'p_u iya, “Ipana p_un miri awonsi'ki imaimu p_un a'kwar_u, k_uri ri warawo' m_ure apai epa'kaki. Miri t_upo, iya' kanan kewom_ui,” ta'p_u iya ipi'.

26 Iri a'kwar_u upiror_um_u'p_u, miripan uya warawo' m_ure ennoko'p_u yai ipan pe, miripan epa'ka'p_u. Warawo' m_ure esi'p_u eke' kasa, miripan tu'kan kon uya, “Iyeri'sa',” ta'p_u. 27 E'tane Sises uya warawo' m_ure an_um_u'p_u itemiyat_u pi', miripan e'm_u'sa'ka'p_u.

† 9:25 iri a'kwar_u, miri pe p_ura makoi a'kwar_u

³⁶ Temekon tutuse iwoi mare ta'sii' isoto'ka'p_u iya to' koro'tau, miripan uya ta'p_u to' pi', ³⁷ "In_u' uya ri p_usamoro mare am_u' tonpa ereutan_uk_u pe iyese' yau uyese' yau, uri ri ereutan_uk_u iya pe iyese; miri awonsi'ki in_u' uya ri uri ereutan_uk_u pe iyese' yau, uri riken ereutan_uk_u iya pen miri, kari uyenko'nin n_u'p_u kanan ereutan_uk_u iya pe iyese," ta'p_u iya.

In_u' Ri Uyewa'nomanin Kon Pen Esi Uwenaino' Kon Pe

(*Uru' 9:49-50*)

³⁸ "Ti'sa," ta'p_u Isaan uya, "Ka'pon ene'p_u ina uya iyese' yau makoi a'kwar_u ton enpa'kapi'nin. Iyereutato' pe ina uya ikup_u'p_u, ap_une p_ura uri'nokon tonpa pe p_ura iyese pi'," ta'p_u iya.

³⁹ Sises uya ta'p_u to' pi', "K_usereutan_u't_u, ap_une p_ura in_u' ri eke Papa turawasooi ku'nin n_u'p_u uyese' yau usaurok_u poken p_ura iyese miri t_upo iri pe upi'. ⁴⁰ Uyewa'noma iya 'nokon p_ura na'ne' esi miri uwenaino' kon pe ri. ⁴¹ I'napairon ekama uya ipi'nokon, in_u' ri tuna ke iwo'payai'ne'nokon uyese' yau ap_une p_ura K_urai§ iwano' pe iwesi kon pi', tepe'p_u nonka iya pen kuru ri miri.

Ka'pon Am_u' Umakoita Emapu'ti

(*Ma'siu 18:6-9; Uru' 17:1-2*)

⁴² "Miri awonsi'ki in_u' uya ri p_usamoro uya-purinin nan aiko ton n_u'kw_i tonpa e'makoima emapu'tisa' yau, wak_u iwa pe ri iyese parau ka'

9:37 Ma'siu 10:40; Uru' 10:16; Isaan 13:20 **9:40** Ma'siu 12:30; Uru' 11:23 § **9:41** K_urai (Kiri' maimu yau); miri pe p_ura, Me'saya (Ipuru maimu yau), asa'ri ri mari iyese, Papa Nanam_u'p_u ta e'kwa pe. **9:41** Ma'siu 10:42

eno'ma eke ri a'nai' e'pato' ike ewa'tisa' i'mu pi' esa' pe. ⁴³ Iyemiyat_u uya iye'makoima emapu'ti pe iyesi yau, a'tiki. Wak_u iwa pe ri iyesi itemiyat_u p_ura esii'ma tiwiri ri uko'man nito' ya' iyepa'ka a'tai, tanporo temiyat_u ke ekota'man nito' ya' iuti entai, apo' usenk_u'to' pen ni ya'.* ⁴⁵ Miri awonsi'ki a'ta uya iye'makoima emapu'ti pe iyesi yau, a'tiki. Wak_u iwa pe ri iyesi i'ta p_ura esii'ma tiwiri ri uko'man nito' ya' iyepa'ka a'tai, ti'ta ke iyeno'ma entai ya'mu p_un ekota'man nito' ya'.† ⁴⁷ Iyenu uya iye'makoima emapu'ti pe iyesi yau, imo'kaki. Wak_u iwa pe ri iyesi miri tikin ni itenu tiwiri ri uko'man nito' ya' iyepa'ka a'tai, asa'ri itenu iyeno'ma entai ya'mu p_un ekota'man nito' ya'.⁴⁸ Miri yau,

“to' weruweei eriku pen ni,

miri awonsi'ki apo' usenk_u'n_uku pen ni.†

⁴⁹ Tanporon kon ni e'ne'ne'ma miri apo' ke.

⁵⁰ “Waiyo esi wak_u, e'tane ine'ne' pe p_ura iye-nasa' yau, nai kasa ken si ine'ne' pe kanan iye'to' pe iku'kap_u auya? Waiyo iku'ti' ayau'nokon, t_uusewankamai' p_ura iko'manti' itonpa kon am_u' pokon pe,” ta'p_u iya.

10

* **9:43** Taron ni imenukasa' ton uya v. 44 ke iponantisa' se kasa: Miri yau, 'to' weruweei eriku pen ni, miri awonsi'ki apo' usenk_u'n_uku pen ni.' **9:43** Ma'siu 5:30 † **9:45** Taron ni imenukasa' ton uya v. 46 ke iponantisa' se kasa: Miri yau, 'to' weruweei eriku pen ni, miri awonsi'ki apo' usenk_u'n_uku pen ni.' † **9:48** Aisaya 66:24 **9:50** Ma'siu 5:13; Uru' 14:34-35

*No'p_u Nonkato' Ekareei Ekama'p_u Sises Uya
(Ma'siu 19:1-12; Ƴru' 16:18)*

¹ Miri a'tai, Sises uya miri pata nimi'p_u, miripan uti'p_u Isutiya nono pe te'sen ya' tuna Isotan ratoi pon anpisin pe ri kanan ka'pon am_u' uye'kaa'p_u ipiya', miripan kon enupa'p_u iya, teseru yau ri.

² Pari'si am_u' tonpa ton uyee'p_u ipiya', miripan kon uya i'tupit_u'p_u ekama'popit_u t_uuya'nokon wini, "Main awiri ri e'ni pe ri pe' iyese ka'pon uya t_uno'p_u nonka a'tai?" ta'p_u to' uya.

³ Sises uya to' eiku'p_u to' ekama'po pe, "I'ri tawon ken Main t_ur_u'p_u Mosi' uya iyena'nokon?" ta'p_u iya.

⁴ To' uya eiku'p_u, "Mosi' uya itusa' ka'pon uya e'nonkan nito' karetaai t_umenukai' t_uno'p_u enno'to' pe tasa' iya," ta'p_u to' uya.

⁵ Sises uya ta'p_u to' pi', "Mosi' uya seri main menuka'p_u, ap_une p_ura sa'man pe ri iyewan kon esi pi'. ⁶ E'tane iye'kap_u epiya'ti yau, 'Papa uya warawo' miri awonsi'ki uri'san kaa'p_u,'* tasa' iya. ⁷ 'Miri wenai, warawo' uya tuk_uip_un_u miri awonsi'ki t_usan ninto' esi, miripan uta'siku' t_uno'p_u ya,† ⁸ miripan asa'ron kon ena tikin ni ipun,‡ tasa' iya. Asa'ri to' esi pen, e'tane tikin ni to' esi. ⁹ Miri pe iyese pi', Papa na'siku'san isipona mo'ka ka'pon uya kuse'nin," ta'p_u iya.

¹⁰ To' enna'posa' a'tai iuti ta', ipoitor_u ton uya seri pi' ekama'po'p_u. ¹¹ Eiku'p_u iya, "I_u'ri t_uno'p_u nonkayai'ne' miripan uya t_uron ni

10:4 Isu'taronomi 24:1-4; Ma'siu 5:31 * **10:6** Iseneses 1:27; 5:2

† **10:7** T_uron ni imenukasa' ton, miripan kon uta'siku' t_uno'p_u ya, tawon p_ura iyese. ‡ **10:8** Iseneses 2:24

uri'san mari'ma ekuma pe iyesi tano'p_u piya-pai. ¹² Miripan tutaan'p_u nonka iya pe iyesi yau miripan uya taron ni warawo' mari'ma yau, iyekuma pe ri iyesi miri," ta'p_u iya.

Mure Amu' P_urema'p_u Sises Uya
(Ma'siu 19:13-15; Uru' 18:15-17)

¹³ Ka'pon am_u' uya mure am_u' nee'p_u Sises piya' to' a'pi'to' pe iya, e'tane ipoitor_u ton uya to' eseremek_u'p_u. ¹⁴ Sises uya ensa' a'tai, isako-rotap_u, miripan uya ta'p_u tupoitor_u ton pi', "Tiwi mure am_u' nuyer_uni upiya'. To' kusereutan_u't_u, ar_une p_ura Papa e'to' esa' wann_i pe esi p_usamoro waraino kon iwano' pe. ¹⁵ I'napairon ekama uya ipi'nokon, in_u' ri k_uri Papa e'to' esa' wann_i pe eporo iya p_ura na'ne' mure kasa te'se ewonto' oton pen ni ya'," ta'p_u iya. ¹⁶ Mure am_u' an_um_u'p_u iya temekon pona, miripan kon pona temiyat_u tutuse to' p_urema'p_u iya.

Imaminke' Moineri'pi
(Ma'siu 19:16-30; Uru' 18:18-30)

¹⁷ Utin pi' Sises e'sara'ti koro'tau, ka'pon eka'tunsa' uyee'p_u, miripan e'sekunka'p_u irau, miripan uya ekama'po'p_u, "Wak_u, Ti'sa, i'ri kuru ku'to' uya esi tiwiri uko'man nito' epoto' pe uya?" ta'p_u iya.

¹⁸ "I'ri pe iyesi pi' Wak_u tukai' uyesak_u auya?" tukai' Sises uya eiku'p_u. "In_u' wak_u p_ura ri iyesi, e'tane Papa riken. ¹⁹ Mosi' n_umenuka'p_u i'tu auya: 'In_u' ri k_u'wini, iyemari'masa' uri'san k_usekumankai, ama' pe kesii, kasi pe ka'pon

pi' kasaurokui, enku'tinin pe kesii, ikuipunu miri awonsi'ki asan inamaki, § tawon," ta'pu iya.

²⁰ "Ti'sa, tanporo ri seri ton awiri e'sa' man mare' esi'pu si'kiri ri," ta'pu iya.

²¹ Sises uya ene'pu i'nanka pe, "Tikin nan niken e'nonkasa' man. Tanporo ipiyau na'ne' iku'upo'pomata, miripan epe'pu tu'ru pa entu'manin nan ena'. Miri a'tai nin si, imaminke' pe iwesi miri Epu' po. Miri ku'sa' auya tu'po, upikiri iuyepu pa," ta'pu iya ipi'.

²² Miri eta iya a'tai, ika'ni' pu'ra ri itemu' ena'pu. Pokoi pe iti'pu, apune pu'ra eke pe kuru itimamin esi'pu.

²³ Sises uya tenu tu'pitu'pu, miripan uya ta'pu tu'poitoru ton pi', "Sa'man pe kuru ri iyese, imaminke' ton epa'ka poken pu'ra Papa e'to' esa' wannu pe ya!" ta'pu iya.

²⁴ Ipoitoru ton usewansiuka'pu imaimu pi'. E'tane Sises uya takaa'pu kanan, "Mare amu', sa'man pe kuru ri iyese Papa e'to' esa' wannu pe ya' epa'kan poken pu'ra. ²⁵ Sa'man pe pu'ra ri kiyameru epa'ka akusa enu euta awiri, imaminke' epa'ka Papa e'to' esa' wannu pe ya' entai," ta'pu iya.

²⁶ Ipan pe miyari ri miri pi' ipoitoru ton usewansiuka'pu, miripan kon usekama'popitu'pu, "Inu' kuru ken si epika'ti?" tukai'.

²⁷ To' enei'ma Sises uya ta'pu to' pi', "Ka'pon pona sa'man pe iyese, e'tane Papa pona tanporo sa'man pe pu'ra iyese," ta'pu iya.

²⁸ Pi'ta uya ta'pu ipi', "Tanporon ni sa'ne ninsa' ina uya ipikiri tu'utito' kon pe," ta'pu iya.

29 “T'napairon ekama uya ipi'nokon,” ta'p_u Sises uya, “in_u ri k_uri t_upata'se', takon non, t_uparusi ton, t_usan, t_uk_uip_un_u, t_umunki am_u' miri pe p_ura t_umainar_u ninsa' iya na'ne', uri pikiri miri awonsi'ki wak_u itekare pikiri, uya 30 eke pe ri tepe'p_u eporo miri, seri pe na'ne' entai ri — t_upata'se', takon non, t_uparusi ton, t_usanon, t_umunki am_u' miri awonsi'ki t_umainar_u ri miri awonsi'ki ewa'noman ni niri — miri awonsi'ki seri enta', tiwi ri uko'man nito' eporo iya. 31 Tu'kan kon ni wapiya na'ne' nan e'to' oton iu'mat_u pe, miri awonsi'ki iu'mat_u pe iye'sa' kon nin si e'to' oton wapiya te'ton kon pe,” ta'p_u iya.

*Itosor_uwano Pe Sises Kanan Usauro'kaa'p_u
Teri'to' Pi'*
(Ma'siu 20:17-19; Uru' 18:31-34)

32 To' uti koro'tau Surusiran pona, Sises to' rawiri, ipoitor_u ton usewansiukasa' esi'p_u, to' pikiri te'san enari'n_uantane. Sises uya kanan t_upoitor_u ton pantaka'p_u, miripan uya t_upi' te'ku'ton ekama'p_u to' pi'. 33 “Uti'nokon seri Surusiran pona. Miri yau Ka'pon, Papa winon eparankato' oton use'man nito' t_urawasomanin nan epuru ton miri awonsi'ki Main pi' enupanin nan ena', to' uya eno'mato' oton ima'tato' ya', miripan t_uto' oton to' uya Esuwer_u am_u' pen ena'. 34 Kamoro uya nin si isapema miri, to' eta'tapit_u ipona, to' uya ari'po'pit_u; miri awonsi'ki to' uya iwini. Osor_uwau w_ui pata'p_u pe, iye'm_u'sa'kato' oton,” ta'p_u iya.

Isens Miri Awonsi'ki Isaan Nekama'pon_u
(Ma'siu 20:20-28)

35 Miri a'tai, Isens miri awonsi'ki Isaan, Sepiti munki amu' uyee'pu ipiya', "Ti'sa, i'ri ri ina nekama'poyai'ne' ipi' kupu auya i'se ina man ina iwano' pe," ta'pu to' uya ipi'.

36 "I'ri ken kupu uya i'se me'atuu iiwano' kon pe?" ta'pu iya.

37 "Tiwi tikin ni iyenwo'netu wini miri awonsi'ki akamisi wini ina nereutai ayapon po iyereutasa' a'tai kurore po," ta'pu to' uya ipi'.

38 "I'ri pi' uyekama'po auya'nokon tukai' i'tu auya'nokon para ri iyesi," ta'pu Sises uya. "Sen-siyai'ne' ken pe' ensi auya'nokon, miri pe para iyepa'taisima kon ken pe' epa'taisimayai'ne' ike ke?" ta'pu iya.

39 "Ina uya ri ikupu," ta'pu to' uya.

Sises uya ta'pu to' pi', "Inapairi ri unensinu ri ensi auya'nokon, iyepa'taisima kon ni epa'taisimayai'ne' ke. ⁴⁰ E'tane ereutapai me'atui'ne' uyenwo'netu miri awonsi'ki ukamisi wini kupu uya poken para iyesi. Seri esi miri kamo to' ku'sa' na'ne' nan Papa uya ri pata'se' pe iyesi," ta'pu iya.

⁴¹ Kamo 10 kaisaron kon uya seri etasa' a'tai, Isens miri awonsi'ki Isaan pokon pi' to' usakoro'tapu. ⁴² Sises uya tanporo to' amuranaku'pu, miripan uya ta'pu to' pi', "I'tu auya'nokon ni kamo itepuru pe na'ne' nan ni esi miri Esuweru amu' pen epuru pe, miripan eke ton uya tamerunitiru kon apuri to' pi'. ⁴³ E'tane miri kasa iwesi kon pen. E'tane ru'ku, inu' ri esi yau eke pe enapai i'koro'tau'nokon e'to' pe iyesi ipoituru kon pe, ⁴⁴ miri awonsi'ki inu' ri esi yau wapiyaro'

e' pe e'pai, tiwi nesii tanporon kon apiyo' pe.
 45 Apune p̄ra Ka'pon, Papa winon uye'sa' miri tapiyo' pe e'nito' pe pen, e'tane apiyo' pe e'se'na, miri awonsi'ki t̄uko'manto' t̄use'na tu'kan kon ka'pon am̄' epe' pe," ta'p̄u iya.

Tenku'nan Epi'ti'p̄u Sises Uya

(Ma'siu 20:29-34; Ūru' 18:35-43)

46 Iseri'ko pona to' uyee'p̄u. Sises miri awonsi'ki ipoitor̄u ton miri t̄upo anp̄isin ton ka'pon am̄' uya miri eke pata n̄imi koro'tau, tenku'nan ka'pon, Pa'timeyas itese' ereutas̄a' esi'p̄u asanta ka'ta po eta'kwan̄n ni pi' (Timeyas mumu pe te'sen).

47 Sises k̄uri ri Nasare' pon tawon etasa' t̄uuya a'tai, uki'pi'n̄anpi' ni pi' iye'sara'ti'p̄u, "Sises, Tepi' pa ru'p̄u, upi' isentu'maki!" ta'p̄u iya.

48 Tu'kan kon uya ri eseremek̄u'p̄u e'pana iye'to' pe, e'tane ri miyari ri iki'pi'n̄anpi'tu'p̄u, "Tepi' pa ru'p̄u, upi' isentu'maki!" ta'p̄u iya.

49 Sises e'tak̄u'ka'p̄u, miripan uya, "Iki'mati," ta'p̄u.

Miripan kon uya nin si iki'ma'p̄u, "Epori'ma! E'm̄'sa'ka! Iki'ma iya," ta'p̄u to' uya ipi'. 50 T̄u pon p̄uro'pon nin si eno'ma'p̄u iya miri, te'san̄um̄u pe iye'm̄'sa'ka'p̄u, miripan uyee'p̄u Sises piya'.

51 "I'ri kup̄u uya i'se me'an iiwano' pe?" ta'p̄u Sises uya ipi'.

Tenku'nan ka'pon uya, "Rap̄ai,* ennin pe kanan e'pai e'ai," ta'p̄u.

52 "Enta, anapurin̄u uya iyepi'tisa' man," ta'p̄u Sises uya ipi'. Inke p̄ra ri, ennin pe iyena'p̄u, miripan nin si uti'p̄u miri asanta tawiri Sises pikiri.

* 10:51 Rap̄ai, Ti'sa ta e'kwa pe

11

Sises Epa'ka'pꞄ Surusiran Pona

(Ma'siu 21:1-11; Ƴru' 19:28-40; Isaan 12:12-19)

¹ Surusiran eporo to' uya koro'tau, Pe'pake miri awonsi'ki Pe'tani ya' si to' uye'ka'sa' Are' WꞄꞄ pon, Sises uya asa'ron kon tꞄpoitorꞄ ton ennoko'pꞄ ² tai'ma to' pi', "Entanti' iyentau'nokon na'ne' eke iwa pata ya', iya' iyepa'ka kon pe ri, miri yau eporo auya'nokon miri isa'ka'si mꞄre ewa'tisa', inꞄ uti'pꞄ ipo pen ni. Teukai' mꞄne'tai' seri ya'. ³ InꞄ uya ri iyekama'po kon yau, 'Ƴri'to' pe miri kupꞄ auya'nokon?" tukai', 'Itepuru esi i'se inke pꞄra inna'poto' pe tꞄuya ri, 'mꞄkatui' ipi'," ta'pꞄ iya.

⁴ Miripan kon utisa' uya isa'ka'si mꞄre eporo'pꞄ pꞄroroi po asanta tau ewa'tisa' mꞄra'ta piyau. Euka pi' to' esi koro'tau, ⁵ miri yau iye'soto'pi'sa' kon ka'pon amꞄ uya, "Ƴri kupꞄ auya'nokon, kꞄri ri isa'ka'si mꞄre meukayatui'ne'?" ta'pꞄ to' pi'. ⁶ To' eiku'pꞄ to' uya, Sises uya ta'pꞄ kasa ri, miripan kon uya to' uya ato' pe ikupꞄ'pꞄ. ⁷ Isa'ka'si mꞄre ne'sa' to' uya a'tai Sises piya', tꞄpon kon tꞄpitu'pꞄ to' uya ipꞄro'pona, miripan po iyereuta'pꞄ. ⁸ Tu'kan kon ka'pon amꞄ uya tꞄpon kon ta'nuku'pꞄ asanta tawiri, tꞄron kon uya miri'tawon yꞄi pan-taru'pi'sa' ta'nꞄ'tane asanta tawiri. ⁹ Kamoro to' rawiri tꞄutisan miri awonsi'ki kamoro to' e'ma'pꞄ pe tꞄutisan uki'pi'nꞄnpi'tu'pꞄ,

"Usana!"*

"Pori' ri kꞄri esi Itepuru ese' yau nꞄye'ai'ne'!"

* **11:9** Usana! Ipuru amꞄ maimu, Pika'ti! ta e'kwa iyenasa' apuripi'nito' yai pe; v. 10 yau niri.

10 “Pori' pe ri e'ni ukai'pau kon Tepi' e'to' esa' wannu pe uyepu pi'!”
 “Usana ka' entawon yau!”
 tukai'.

11 Sises epa'ka'pu Surusiran pona, miripan uti'pu Esuweru amu' use'mato', ipuremato' iwu' ta', miripan uya tanporon ni enpitu'pu. Pata uko'manka'sa' pi' nin si, iyenna'po'pu miri Pe'tani pona 12 kaisaron kon tupoitoru ton pokon pe.

*Yui Pa'nuku'pu Sises Uya
 (Ma'siu 21:18-19)*

12 Miri ema'sa' yau, Pe'tani poi to' enna'po koro'tau, Sises esi'pu iwan pe. 13 Inni tare kenan, pi' e' ene tauya pi', iti'pu teperu ke pe' iyese tukai' ense'na. Eposa' iya a'tai, i'ri eporo'pu iya pen ni, iyare ton niken, apune para pi' weyu pe para pata esi'pu,† 14 miripan uya ta'pu pi' e' pi', “Tiwi si inu' ri iyepuru na'nin kanan seri enta',” ta'pu iya. Ipoitoru ton uya miri ta iya eta'pu.

*Sises Uti'pu Esuweru Amu' Use'mato', Ipuremato' Iwu' Ta'
 (Ma'siu 21:12-17; Uru' 19:45-48; Isaan 2:13-22)*

15 Surusiran eporo pe, Sises ewomu'pu Esuweru amu' use'mato', ipuremato' iwu' pu'ku' ta', miripan e'sara'ti'pu usenapi' ni pi', karupo'po pi' miri yau te'san enpa'kapitu pi'. Parata ensimapi'nin nan tepuruu rawoipitu'pu iya miri awonsi'ki wako'wa amu' karupo'pomanin nan apon ton ni, 16 inu' uya ri tukarupo'pooi ari i'se para ri iyese'pu miri awiri.

† 11:13 Pi' e' are enpu na'ki eporo tauya tani'ton tukai' Sises esi'pu, teperu ke iyena rawiri. Itenpu para si iyese pi', Sises uya i'tu'pu tepetasen ye' pe para iyese tukai', miripan pa'nuku'pu iya.

17 To' enupa tɔuya koro'tau nin si, “Iye'menukasa' pɔra pe' nai:

“Uiwɔ' esa'to' oton
tanporon kon tɔpataron kon ipɔremato'
iwɔ',†

tukai? E'tane ‘ama' amɔ' en pe ri'§ iku'sa' auya'nokon,” ta'pɔ iya.

18 Papa ena' use'man nito' tɔrawasomanin nan epuru ton miri awonsi'ki Main pi' enupanin nan uya miri eta'pɔ, miripan kon e'sara'ti'pɔ iwito' tɔuya'nokon eseru warinpa pi', ipi' tenari'nɔmɔ kon pi', apɔne pɔra anpisin ni usewansiukasa' pi' to' enupato' iya pi'.

19 Pata uko'mansa' a'tai, Sises miri awonsi'ki ipoitorɔ ton uti'pɔ pata yapai.

Usenupan Nito' Pi' E' Pi'

(Ma'siu 21:20-22)

20 Awanakɔ' miri ema'sa' yau, to' uti koro'tau asanta tawiri, to' uya pi' e' ene'pɔ. Iyeri'sa' esi'pɔ siya ri imi' pona ri. 21 Pi'ta enu ya' iyee'pɔ, miripan uya ta'pɔ Sises pi', “Rapai,* apɔne enki. Pi' e' anpa'nukɔ'pɔ useketasa'!” ta'pɔ iya.

22 Sises uya eikɔ'pɔ, “Papa apurito' esa' pe e'ti'.

23 I'napairon ekama uya ipi'nokon; inɔ' uya ri se wɔ' pi' ta pe iyese yau, ‘Parau ka' isennasikata,’ ikasimai'ma pɔra tewan yau, e'tane apuri'ma tɔmaimu awiri iye'kupɔ tukai', iye'kupɔ ri itiwano' pe. 24 Miri pi' ekama uya ipi'nokon, i'ri ri ekama'po auya'nokon a'tai iwipɔremato' kon yau, apuriti'

† 11:17 Eren 118:25-26 § 11:17 Aisaya 56:7; Iseremaya 7:11

* 11:21 Rapai, Ti'sa ta e'kwa pe 11:23 Ma'siu 17:20; 1 Koren 13:2

eposa' auya'nokon tukai', miri a'tai iiwano' kon pe ri iyesei. ²⁵ Iɸɸɸɸɸɸ pi' iye'mu'sa'kasa' kon a'tai, miri koro'tau ekamara ri inu' pi' ri iwesi kon yau, ipi' isentu'mati', ikɸɸɸɸɸ kon, Eɸɸɸɸ pon usentu'mato' pe amakooi kon pi',” ta'pɸ Sises uya.†

Sises Ekama'popitɸ'pɸ To' Uya
(Ma'siu 21:23-27; ɸru' 20:1-8)

²⁷ Surusiran pona kanan to' enna'pokaapɸ. Sises usari koro'tau Esuwerɸ amu' use'mato', ipɸɸɸɸɸ iwu' pɸ'ku tau, Papa ena' use'man nito' tɸrawasomanin nan epuru ton, Main pi' enupanin nan miri awonsi'ki Esuwerɸ amu' epuru ton uyee'pɸ ipiya', ²⁸ miripan kon uya ekama'po'pɸ, “ɸri meruntirɸ wini seri ton kupɸ auya? Inu' uya seri merunti ke irepasa' seri kupɸ pa?” ta'pɸ to' uya.

²⁹ Sises uya entakanoma'pɸ, “Tikin nan pi' ri iyekama'po uya 'nokon. Uyei'ti'; miri a'tai nin si ekama uya miri, miri wini umeruntirɸ tepose, seri ton kupɸ uya tukai'. ³⁰ Isaan uya pa'taisiman nito'—Eɸɸɸ winon pe', miri pe pɸra ka'pon amu' winon kati? Ekamati'!” ta'pɸ iya.

³¹ Tiwano' kon pe to' usauroku'pɸ, “‘Eɸɸ winon,’ ta pe iyesei yau, ‘ɸri pe ken si iyesei pi' apuri auya'nokon pɸra iyesei'pɸ?’ ta iya esi. ³² E'tane, ‘Ka'pon amu' winon,’ ta pe iyesei yau,... .” (To' enari'nɸmɸ ka'pon amu' pi', apɸne pɸra tanporon kon uya ri Isaan esi pu'kena' pe ta pi'.)

† 11:25 Tɸron ni imenukasa' ton uya v. 26 ke iponantisa' se kasa: 26 E'tane tɸusentu'masen pe pɸra iwesi yau, ikɸɸɸɸɸ, Eɸɸɸ pon usentu'ma pɸra ri iyesei miri amakooi ton pi'.

³³ Miripan kon uya Sises eiku'pu, “Ina uya i'tu para man,” ta'pu to' uya.

Sises uya ta'pu to' pi', “Apana'ti uya 'nokon para ri niri iyese miri, miri meruntiru wini seri ton kupu uya tukai,” ta'pu iya.

12

Umi Esa' Pe Inonkasa' Kon Pantomu (Ma'siu 21:33-46; Uru' 20:9-19)

¹ Panton yai to' auro'ka pi' Sises e'sara'ti'pu: “Ka'pon uya umi pimi'pu kure' itese', si'na' pe te'sen kiyari ye' ke. Iwoi iwekupiri'ti'pu iya, ikasu'kato' iyai aka'pu iya, miri awonsi'ki ipa'simato' awonsi'ki ka'tawon soto'pan iuti ami'pu iya. Miripan nin si taru'pu iya miri umi pi' te'san ena', miripan uti'pu siya ri tupa'ta'se' yapai. ² Iyaku'pasa' anamu weyu si e'seposa' a'tai, tupoitoru si ennoko'pu iya umi taru'pu tauya itena' ton piya' ti'kiyari epose'na. ³ E'tane kari ri a'si'pu to' uya, ipanta'ma'pu to' uya, miripan nin si ennoko'pu to' uya miri itemiyatu aru para ri. ⁴ Miri a'tai, taron ni kanan tupoitoru ennoko'pu iya to' piya'; i'pai pi' nin si pu'se ri wipitu'pu to' uya miri, miripan iri pe ri to' uya ikupu'pu. ⁵ E'tane ri kanan taron ni ennoko'pu iya. Kari ri nin si wini'pu to' uya miri. Tu'ke ri taron kon enno'pitu'pu iya; taron kon ni panta'mapitu'pu to' uya, taron kon ni wini'ima.

⁶ “Tikin ni nin si inennokonu e'nonkasa' esi'pu, imu ri nin si, ini'nankanu. 'Pu'se ri, umu nin si nama to' uya miri,' tai'ma nin si tanporon kon u'matu pe ennoko'pu iya.

⁷ “E'tane nin si to' uya ta'p_u miri, tiwano' kon pe, 'P_use ri kuru p_use ri kiyari pata'se' an_unton. Iwito' kon pe isi'ti', inan_um_un_u e'to' pe uiwano' kon pe, ta'p_u to' uya. ⁸To' uya si a'si'p_u, miripan wini'p_u to' uya, miripan eno'ma'p_u to' uya kiyari e'kwa apai.

⁹ “T_uri ken si kup_u k_uri ri kiyari e'kwa esa' uya? Iyep_u kamoro itesa' pe t_unnonka'san wise'na, miripan uya nin si miri kiyari e'kwa t_ur_u miri t_uron kon ena'. ¹⁰Itekare pe' iye'menukasa' ennin nan pen imiri'nokon:

“Ti' iuti aminin nan neno'ma'p_u
enasa' itekun airon ti' pe;

¹¹ Itepuru uya ri seri ku'sa', miripan esi wak_u pe kuru uyenu kon yau,*
tukai'?”

¹² A'sito' t_uuya'nokon ipikiri warinpa'p_u to' uya, ap_une p_ura t_upi'nokon ta iya e'kwa pe miri panton ekamasa' iya tukai' to' uya i'tu'p_u. E'tane anpisin ton ka'pon am_u pi' to' enari'n_um_u'p_u; miripan kon uya nin si inimi'p_u miri, to' uti'p_u ipiyapai.

Esuwer_u Am_u' Uya Ri Pe' P_urata Nonka Pata Esa' Ena'?

(Ma'siu 22:15-22; Uru' 20:20-26)

¹³ Emenn_u'p_u po iwa ri, Pari'si am_u miri awonsi'ki Era' pikiron kon ennoko'p_u to' uya Sises eparanti' imaimu wini. ¹⁴To' uyee'p_u ipiya', miripan kon uya ta'p_u ipi', “Ti'sa, ina i'tu pi' man i'napairon ye' pe iwesi tukai'. Ka'pon am_u ri nensiman_u pe p_ura iyaseru esi, ap_une p_ura in_u pe ri to' esi pi' te'namasen pe p_ura iwesi; e'tane Papa eseru pi' enupan auya i'napairon awiri. Ipoken

* **12:11** Eren 118:22-23

pe' iyese Sisa ena' p̄rata t̄t̄sen e'ma a'tai, kane kati? ¹⁵ Ina uya pe' e'ma, miri pe p̄ra ina uya e'ma pen ni kati?" ta'p̄ to' uya.

E'tane wak̄ pe to' e'ku'to' eseru i'tusa' Sises uya esi'p̄, "I'ri pe iyese pi' usa'mapai iwesi kon? Ap̄ne p̄rata pun† ine'ti' ento' pe uya," ta'p̄ iya. ¹⁶ To' uya p̄rata pun nee'p̄, miripan kon ekama'po'p̄ iya, "In̄ nai ipi'? Miri awonsi'ki in̄ ese' nai ipi'?" ta'p̄ iya.

"Sisa," ta'p̄ to' uya.

¹⁷ Miri a'tai, Sises uya ta'p̄ to' pi', "Sisa iwano' ri it̄ti' Sisa ena', miri awonsi'ki Papa iwano' ri kanan t̄r̄ auya'nokon Papa ena'," ta'p̄ iya.

Miripan kon nin si usewansiuka'p̄ miri ipi'.

Eri'ni T̄po E'm̄'sa'kan Nito'

(Ma'siu 22:23-33; Uru' 20:27-40)

¹⁸ Miri a'tai, Satu'si am̄, eri'ni t̄po e'm̄'sa'kan p̄ra ri iyese tawon nan uyee'p̄ Sises ekama'pose'na. ¹⁹ "Ti'sa, Mosi' uya imenuka' uiwano' kon pe, ka'pon rui eri'sa' yau, t̄no'p̄ t̄nonkai' imunki p̄ra, iyakon n̄'p̄ uya ino'p̄ r̄'p̄ mari'mato' pe iyese, miripan kon umu'tato' pe t̄rui iwano' pe. ²⁰ Moro 7 kaisaron kon isirunan esi'p̄. Wapiyaro' emari'ma'p̄, miripan eriku'p̄ innonkaton kon imunki am̄' p̄ra ri.

²¹ Ipi'kon n̄'p̄ uya nin si ino'p̄ r̄'p̄ mari'ma'p̄ miri, e'tane iyeriku'p̄ t̄umu'tai' p̄ra ri kanan. Miri kasa ri to' osor̄wano pe te'sen esi'p̄. ²² Miri kasa ri tanporo 7 kasa ri to' esi'p̄ imunki am̄' p̄ra ri to' eri'p̄it̄'p̄. K̄ri ri nin si uri'san eriku'p̄ miri to' e'ma'p̄ pe ri. ²³ Eri'ni t̄po e'm̄'sa'kan

† 12:15 p̄rata pun —tenariyas itese'

nisa' a'tai, inu' no'pu pe ken si iyese miri, apune pu'ra sa'ne 7 kaisaron kon uya imari'mapi'sa?" ta'pu to' uya.

²⁴ Sises uya ta'pu to' pi', "Ipoken pu'ra pe' iwesi kon pen miri iye'menukasa' itekare miri pe pu'ra Papa meruntiru i'tu auya'nokon pu'ra iyese pi'?"
²⁵ Iyeri'sa' kon e'mu'sa'kasa' a'tai, to' emari'ma pu'ra ri iyese, miri pe pu'ra to' e'turu pen ni emari'man nito' yau; Epun pon kon, inseru amu' kasa to' e'to' oton. ²⁶ Iyeri'sa' kon e'mu'sa'ka tawon pi', Mosi' karetaai yawon pe' ensa' auya'nokon pu'ra ri iyese, yu' epo'ti'pu tawon? Miri yau, Papa uya ta'pu ipi', 'Uri kari ri Epura'an, Aisi' miri awonsi'ki Seko' pokon e'to' itese' pi'.[†] ²⁷ Papa, iyeri'sa' kon e'to' itese' pi' pe iyese pen, e'tane nurinan kon niken. Ipoken pu'ra kuru iwesi kon miri," ta'pu iya.

Eke Kuru Iyawiri E'nito'

(Ma'siu 22:34-40; Uru' 10:25-28)

²⁸ Main pi' enupanin nan tonpa uye'sa' uya to' usauroku etapitupu. Waku pe to' maimu ei'sa' Sises uya pi', ekama'po'pu iya, "Tanporon iyawiri e'nito' pe inonkasa' Main ton koro'tapai, nai esi eke pe kuru?" ta'pu iya.

²⁹ Sises uya ta'pu ipi', "Se kuru seri eke, 'Etati' Esuweru amu' ru'kwii; Itepuru itese' pi' e'nito' esi, tikin nan ni Itepuru; ³⁰ Itepuru, itese' pi' iwe'to' i'nankaki tanporo iyewan pokon pe, aya'kwaru pokon pe, iusenuminkato' pokon pe miri awonsi'ki tanporo imeruntiru pokon pe, 'S tawon. ³¹ Ipi'iron

[†] 12:26 E'sotas 3:6 § 12:30 Isu'taronomi 6:4-5

esi se: 'Ittonpa i'nunkaki misi'nunkayai'ne' kasa,'*
tawon. Serì ton iyawirì e'nito' entaino eke p̄ra rì
iyesi mirì," ta'p̄a Sises uya ipì'.

³² "Ti'sa, waku pe kuru ei'sa' auya man, ipo-
ken ni mukayai'ne' esi, Papa esi tikin nan ni, inu'
p̄ra rì iyesi e'tane kari rì riken. ³³ I'nunkato'
tanporo ewan wannì pokon pe, ito'ka'nu'to' pokon
pe mirì awonsi'ki meruntir̄a wannì pokon pe, mirì
awonsi'ki tonpa i'nunka usi'nunkan kasa rì esi eke
pe kuru t̄apo'tise t̄atusen mirì awonsi'ki t̄aron ni
ton ni use'man nito' entai," ta'p̄a iya.

³⁴ Waku pe teiku iya etasa' Sises uya a'tai, "Inni
p̄ra rì me'ai' Papa e'to' esa' wannì pe piyapai,"
ta'p̄a iya ipì'. Mirì awonsi'ki nin si mirì enta', inu'
rì esi'p̄a inekama'porì'pai p̄ra.

Inu' Pa Ru'p̄a Pe K̄rai Esi?

(Ma'siu 22:41-46; Uru' 20:41-44)

³⁵ Sises esi koro'tau enupan pi' Esuwer̄a
am̄a' use'mato', ip̄remato' iw̄u' p̄u'ku tau, to'
ekama'po'p̄a iya, "I'ri pe iyesi pi' Main pi' enupanin
nan uya K̄rai† esi Tepi' pa ru'p̄a pe ta? ³⁶ Tepi' rì
usauroku'p̄a Waku A'kwar̄a uya t̄amaimu'ti',
" 'Itepuru uya ta'p̄a uyepuru pi':

"Ereuta' enwo'ne' uyemiyat̄a wini,
iyeyaton non t̄ar̄a uya

a'ta o'koi' p̄u'ku pona,"‡ ta'p̄a iya.'

³⁷ Tepi' uya t̄amirì pe rì 'uyepuru' tukai' esaku, nai
kasa ken ipa ru'p̄a pe iyesi nesii'no?" ta'p̄a iya.

Anpisin ton Sises etanin nan esi'p̄a porì' pe.

* **12:31** Ripaiti'kas 19:18 † **12:35** K̄rai (Kiri' maimu yau);
mirì pe p̄ra, Me'saya (Ipuru maimu yau), asa'ri rì mari iyesi, Papa
Nan̄am̄'p̄a ta e'kwa pe. ‡ **12:36** Eren 110:1

³⁸ To' enupa tɔuya koro'tau, Sises uya ta'pɔ to' pi', "Tenu ke e'ti' Main pi' enupanin nan pi', ipininpaino kon kusan tɔpon kon yau, 'Mi-yari,' ta i'sero' kon tɔpi'nokon kɔrɔpo'po pi' e'ni pata'se' yau ri, ³⁹ eke ton apon po kuru te'san Esuwerɔ amɔ' usenupato' iwɔ' tau, miri awonsi'ki tɔnamasan pata'se' yau kuru te'san enta'nan a'tai'ne. ⁴⁰ Itaan'pɔ ima'tasa' rɔ'san iwɔ' mo'kanin nan to' enapai, miripan kon ipɔrema kusan pe, mi pe te'kupɔ kon pe. Pɔsamoro waraino kon kota'ma miri isi pe kuru ri," ta'pɔ iya.

Itaan'pɔ Ima'tasa' Rɔ'pɔ Nɔtɔrɔnɔ
(Eru' 21:1-4)

⁴¹ Sises ereuta'pɔ tɔtɔsen nonkato' to' uya pata'se' rato'i pe, anpisin ton ka'pon amɔ' uya tɔpɔrataai kon tɔpitɔ Esuwerɔ amɔ' use'mato', ipɔremato' iwɔ' pɔrataai yen ya' enpitɔ pi'. Tu'kan kon ni ipɔrataaike' ton uya eke pe ri itɔpitɔ'pɔ. ⁴² E'tane rɔ'kwɔ nin si entu'manin itaan'pɔ ima'tasa' rɔ'pɔ uyee'pɔ, miripan uya rɔ'kwɔ asa'ron pɔrata ka'pa muku'pi'§ tɔrɔ'pɔ, *peni* punu'pi' rɔ'kwɔ ri.

⁴³ Tɔpoitorɔ ton tɔki'mai' tɔpiya', ta'pɔ to' pi', "Tɔnapairon ekama uya ipi'nokon, pɔse ri entu'manin itaan'pɔ ima'tasa' rɔ'pɔ uya eke pe kuru itɔsa' miri pɔrata yen ya', tanporo tɔron kon entai kuru. ⁴⁴ Tɔpɔrataai kon tonpa ri nin tɔsa' to' uya, e'tane kɔri ri, tekota'mato' apai rɔ'kwɔ ri tanporo ri tɔpiyawon tɔrɔ'pɔ tɔuko'manto' ipi' rɔ'kwɔ ri," ta'pɔ iya.

§ 12:42 asa'ri ire'pɔ'ta amɔ' Kiri' maimu yau

13

Ima'kūūi Ton Non Weyu U'matū Ekamanin Nan (Ma'siu 24:1-31; Ūru' 21:5-28)

¹ Esuwerū amū' use'mato', ipūremato' iwū' nīmī iya koro'tau, ipoitorū ton tonpa uya ta'pū ipī', “Ti'sa, apūne enki; i'ri eke ton ni ti' amū! F'ri wakū pe ri amisa' iuti ton!” ta'pū iya.

² “Tanporo ri pe' seri ton eke ton iuti amipi'sa' menyan?” ta'pū Sises uya. “Tikin ni ri ti' e'nonkato' oton pen miri isipūro'po; tanporon ni uta'po'to' oton miri,” ta'pū iya.

³ Sises ereutasā' koro'tau Are' Wūpū po, Esuwerū amū' use'mato', ipūremato' iwū' ratoī pe, Pi'ta, Isens, Isaan, miri awonsi'ki Anturu pokon uya ekama'po'pū ama'ai, ⁴ “Ina pi' ekamaki, i'ri a'tai kuru ken si seri ton e'ku'to' oton? F'ri kuru ken si esi miri ento' ipi' pe tanporo seri ton uta'ku'ti ekamanin pe?” ta'pū to' uya.

⁵ Sises uya ta'pū to' pi', “Tenu ke e'ti', inū' uya ri iyenku'ti kon namai”. ⁶ Tu'kan kon ni uye'to' oton uyese' yau, ‘Uri ri kūrī ri,’ ka'se'na, miripan kon uya tu'kan kon ni enku'tito' oton. ⁷ Tūsewa'nomasan miri awonsi'ki usewa'noman man tawon eta auya'nokon a'tai, ketūipi'tūu miri pi'. Seri warai'nan ni e'ku'to' pe iyese' e'tane apūne ri non weyu u'ma'to' uye'tane ri iyese'. ⁸ Tūpataron kon uya tūpataron kon ni niri ewa'nomato' oton, miri awonsi'ki esa' wannī pe ri te'san uya esa' wannī pe te'san ni niri ewa'noma. Miri a'tai, tūru'pūnū amū' miri awonsi'ki iwankan e'to' oton miri pata kaisa ri. Seri ton si esi miri e'tinkan e'sara'ti pe.

⁹ “Iserasu pe ri me'tai'. Itato' oton kon miri pata konsurui amu' ena', miri awonsi'ki Esuweru amu' usenupato' iwu' tau ayari'po'pi'to' oton kon. Uri pikiri iye'soto'kato' oton kon kopana amu', miri awonsi'ki kin amu' rau ri to' pana ya' uri ekama pi'.
¹⁰ Miripan wapiya kuru waku itekare usekamato' pe iyesi tanporon kon mi yawiron kon pana ya'.
¹¹ To' uya aya'sisa' kon ari a'tai ko'tu ta', pena ri kisewankamatuu, 'Iri kuru ta uya?' tukai', amaimu'tisa' kon na'ne' ke ri ausauroku kon miri, iiwano' kon pe ausauroku kon pen e'tane Waku A'kwaru usauroku.

¹² “Eri'nito' ya' turui eparankato' oton iyakon uya, ikuripunu uya niri tumare. Miri kasa ri mari, mare amu' enato' oton tusan kon amu' ewa'noma pi' to' eri'to' ya' to' turu pi'.
¹³ Uri uriya' tu'kan kon ka'pon amu' uya iyewaruma'tito' oton kon, e'tane kari ri pana' pe ne'mu'sa'kayai'ne' iu'matu pona ri epika'tito' oton miri.

¹⁴ “ ‘Iri Kuru Nuirapanin Uma'tan Emapu'tinin’* e'soto'kasa' ene auya'nokon a'tai, tupa'ta'se' pen ni yau—tiwi seri ennin nuto'ka'nuku—tiwi kamoro Isutiya po na'ne' nan nainumu wu' ton pona'ne.
¹⁵ Tiwi tiwu' nakapu po te'sen kau'tinin miri pe para kusewonnin ni iuti ta' i'ri ri mo'kai'.
¹⁶ Tiwi inu' ri umi yau na'ne' kusenna'ponin tapon epose'na.
¹⁷ Miri wui a'tai'ne isi pe kuru ri uri'sami'si amu' mono' pe te'san pona iye'to' oton miri, miri awonsi'ki mana' pokon kon imunki pona.
¹⁸ Iparemati' seri e'kupu namai' komi' pe

13:11 Ma'siu 10:17-20; Uru' 12:11-12 **13:13** Ma'siu 10:22

* **13:14** Taniyeru 9:27; 11:31; 12:11. **13:16** Uru' 17:31

pata e'to' weyu a'tai, ¹⁹ apune p̄ra miri waraino ewankamanin e'ku'sa' p̄ra ri iyese iyepiya'ti'p̄a si'kiri, Papa uya non kaa'p̄a si'kiri seri p̄'ka pona, miri waraino kanan e'ku'to' oton pen ni.

²⁰ “Itepuru uya seri iweyu ton nu'tisa' p̄ra iyese yau, inu' ne'nonkai'no pen ni. E'tane anansa' kon, t̄nanam̄'san pikir̄i nin ito'kena'masa' iya miri.

²¹ Miri a'tai, inu' uya ri ta pe iyese yau ipi'nokon, 'Apune enti', seri airi K̄rai† man!' miri pe p̄ra, 'Apune enti!' Mi airi man!' ta pe iyese yau, k̄sapur̄it̄uu. ²² Apune p̄ra enku'tinin nan k̄rai am̄', enku'tinin nan pu'kena' am̄' usenpoikato' oton, miripan kon uya i'tuto' ipi' ton miri awonsi'ki eke Papa t̄rawasooi ton ku'to' oton anansa' kon enku'ti pe, ikup̄a t̄uuya'nokon poken iyese yau.

²³ Miri pi' iiwano' kon pe ri iserasu kon pe e'ti'; tanporon ni ekamasa' uya miri ipi'nokon iweyu wapiya.

²⁴ “E'tane miri a'tai'ne, usewankaman pata'p̄a pe,

“W̄ai enu ewarumanto' oton,
kap̄ai e'wei'tito' oton pen;

²⁵ siriki am̄' uta'po'to' oton ka' apai,
miri awonsi'ki ka' yau ri te'san usi'ki'mato'
oton.†

²⁶ “Miri a'tai si, ka'pon am̄' uya Ka'pon, Papa winon uyep̄a ento' oton miri kapuru' yau eke t̄merunt̄ir̄a ke miri awonsi'ki a'kwa yau,

13:19 Taniyer̄a 12:1; Isenpoikasa' 7:14 † **13:21** K̄rai (Kiri' maimu yau); miri pe p̄ra, Me'saya (Ipuu maimu yau), asa'ri ri mari iyese, Papa Nanam̄'p̄a ta e'kwa pe. † **13:25** Aisaya 13:10; 34:4; Isi'kiyer̄a 32:7; Isower̄a 2:10, 31; 3:15; Isenpoikasa' 1:7; 6:12.

13:26 Taniyer̄a 7:13; Isenpoikasa' 1:7

²⁷ miri^{pan} uya tinsere^{ui} ton ennoko t^{an}an^um^u'san amaran^u'se asakiri^{'nan} a'setun uye'to' yawiron kon ni, non p^u'k^u u'mat^u apai'ne, ka' u'mat^u p^u'k^u ponsi'ki'ne.

Pi' E' Pi' Usenupan Nito'

(Ma'siu 24:32-35; Uru' 21:29-33)

²⁸ "Isenupati' se pi' e' pi': Iyepanta'ti are ton atu'ta a'tai, a'ko pe wai a'ne' pe pata e'to' weyu e'seporo tukai' i'tu auya'nokon. ²⁹ Miri kasa ri, seri ton e'kup^u ene auya'nokon a'tai, a'ko pe iyese m^ura'ta nau ri tukai' i'tu auya'nokon. ³⁰ I'napairon ekama uya ipi'nokon; seri a'taino kon kuru ri p^ura iyenato' oton pen ni seri ton e'kup^u p^u'k^u pona ri. ³¹ Ep^un miri awonsi'ki non p^ura iyenato' oton, e'tane umaimu miri tereutat^uon pen ni.

Inu' Ni'tunu Pen Iweyu

(Ma'siu 24:36-44)

³² "Inu' uya miri wai miri pe p^ura iwekusi i'tu p^ura ri iyese, inser^u am^u' Ep^un pon kon uya ri miri pe p^ura imu uya ri, e'tane ik^uip^una uya riken i'tu. ³³ Iiwano' kon pe ri iserasu kon pe e'ti'! Tenu ke e'ti'!§ I'tu auya'nokon p^ura iyese i'ri a'tai miri weyu e'seporo tukai'. ³⁴ Inni ka'pon uti kasa iyese: T^upoitor^u ton enau tiw^u' nimi iya, to' t^urawasooi ke to' t^urepapi'se, miri awonsi'ki m^ura'tanawon pi' tenu ke e'ki tai'ma.

³⁵ "Miri pe iyese pi', enei'ma e'ti', ap^une p^ura i'tu auya'nokon kasa p^ura i'ri a'tai iuti esa' enna'poto' oton tukai'—ko'mam^u pe ri, miri pe p^ura anom^ura' ri, miri pe p^ura ri kiritiki uturum^u a'tai ri, miri pe

§ 13:33 T^uron ni imenukasa' uya, Tenu ke e'ti', miri awonsi'ki ip^uremati'! ta. 13:34 Uru' 12:36-38

pura pata emak_u a'tai. ³⁶ Ite'kwanau pura ri iyepu iyepoti'nin, iye'n_um_u kon eponin. ³⁷ Ukayai'ne' ri ipi'nokon ni mari ta uya tanporon kon pi': 'Tenu ke e'ti!' " ta'pu iya.

14

Sises Karapaima'pu Pe'tani Po

(*Ma'siu 26:1-13; Uru' 22:1-2; Isaan 11:45-53; 12:1-8*)

¹ Asa'ri riken wai e'ku'ka'sa' esi'pu To' Epoi Iti'pu Weyu Ru'pu miri awonsi'ki A'sarutanu'sa' Pen Pareti Pi' Enta'n_un Weyu e'seporo rawiri, miri pi' Papa ena' use'man nito' tarawasomanin nan epuru ton miri awonsi'ki Main pi' enupanin nan esi'pu ama'ai Sises a'sito' tauya'nokon ipikiri warinpa pi' miri awonsi'ki iwito' pe tauya'nokon.

² "E'tane Iweyu Ru'pu a'tai pen, ka'pon am_u' nin e'sara'ti esi usewa'noman pi'," ta'pu to' uya.

³ Pe'tani po iyesei koro'tau, tateire' po tenai' tepuru piyau, ka'pon, Saiman, erekupan tukai' ti'tusen iwu' tau, uri'san uyee'pu po'toro arapasta yawon, epe'kena' po'piyun esukenan natu konekasa' esa' pe. Tuputurakai' i'pai pona po'piyun ma'pu iya.

⁴ Miri yau te'san tonpa ton usakorota usauroku'pu tiwano' kon pe, "I'rito' pe ri si po'piyun ma'tanaku ko?" ⁵ Iku'rapo'pomapaino ri tikin ni wuipiya iye'tarawasomasa' e'mato' epe' entai ri,* itepe'pu tato' pe entu'manin nan ena'!" ta'pu to' uya. Isi pe ri to' uya eseremeku'pu.

14:1 E'sotas 12:1-27 **14:3** Uru' 7:37-38 * **14:5** tikin ni wuipiya iye'tarawasomasa' e'mato' epe' entai ri —300 parata pun tenariyas itese' ton entai ri

6 “Tiwi nesii, i'ri pe ikup_u i'se iwesi kon? Wak_u ri ku'sa' iya miri upi',” ta'p_u Sises uya to' pi'.
 7 “Entu'manin nan kamoro ipiyawon kon ni i'se iwe'to' kon a'tai ri inpika'tinu kon, e'tane inke uri p_ura iyese ipiyau'nokon. 8 T_unkup_u pokena' ri ku'sa' iya miri, po'piyun masa' iya upona ukoneka pe uruwai' ya' ut_u e'ma ta'. 9 I'napairon ekama uya ipi'nokon, mi awiri ri itekare n_usekamayai'ne' non em_u' kaisa ri, inkup_u'p_u ru'p_u ri mari usekama miri en yau ikup_u pe ri,” ta'p_u iya.

10 Isutas Eskariya', 12 kaisaron kon ipoitor_u ton tonpa uti'p_u use'man nito' t_urawasomanin nan epuru ton piya', Sises eparankase'na to' ena'. 11 To' epori'ma'p_u miri tetai', miripan kon usaurok_u'p_u p_urata ke irepato' t_uuya'nokon pi', miripan esi'p_u ituto' t_uuya weyu eporo i'se.

Itepuru Enta'nato'

(Ma'siu 26:17-30; Ɔru' 22:7-20, 21-23; Isaan 13:21-30)

12 A'sarutan_u'sa' Pen P_ureti Pi' Enta'nan Weyu e'sara'ti a'tai, iteseru pe To' Epoi Iti'p_u Weyu Ru'p_u pi' karimeru m_ure wito' a'tai, Sises poitor_u ton uya ekama'po'p_u, “Nai ya' ina uti i'se me'an To' Epoi Iti'p_u Weyu Ru'p_u pi' iyenta'nato' konekase'na?” ta'p_u to' uya.

13 Miripan uya asa'ri t_upoitor_u ton ennoko'p_u. To' pi' ta'p_u iya, “Entanti' eke pata pona, miripan yau, tuna anin ka'pon uya iyeporo kon miri. Ipi'iri mutit_ui'. 14 Iyewonsa' na'ne' ita' iuti esa' mekama'pot_ui', ‘Ti'sa man: Nai airi uiw_u' oton nai To' Epoi Iti'p_u Weyu Ru'p_u pi' upoitor_u ton pokon

pe enta'nato' itau? ta pi,' makatui'. ¹⁵ Ekama iya ri miri ipi'nokon eke ri ka'tawon iuti tapu-rui'tise ikonekasa'. Miri yau si enta'nan nito' makonekatui'," ta'pu iya.

¹⁶ Ipoitoru ton si uti'pu eke pata pona, miripan kon uya si eporo'pu Sises uya tauro'ka'pu kon kasa ri, miripan kon uya si To' Epoi Iti'pu Weyu Ru'pu pi' te'to' kon koneka'pu.

¹⁷ Pata uko'mansa' a'tai, Sises uyee'pu ¹² kaisaron kon pokon pe. ¹⁸ Terupu piyau tateire' kon po tenai' enta'nan pi' to' esi koro'tau, ta'pu iya, "I'napairon ekama uya ipi'nokon, itonpa kon uya uyeparankato' oton—kuri upokon pe enta'nan pi' na'ne' ri," ta'pu iya.

¹⁹ To' si upokoita'pu, miripan tikin pa'ne ta'pu to' uya ipi', "I'napai ri uri pen kuru ri?" ta'pu to' uya.

²⁰ "Imiri'nokon ¹² kaisaron kon tonpa, tayu kipu pi' na'ne' pusu ya' upokon pe. ²¹ Ka'pon, Papa winon utito' oton iye'menukasa' tapi' na'ne' kasa ri, e'tane isi yau ri kuri ri ka'pon esi Ka'pon, Papa winon eparankanin! Waku pe ri nesii'no iyentusa' para iyesi yau," ta'pu iya.

²² To' enta'na koro'tau, Sises uya paretu anumu'pu, tenki ta'pu iya Papa pi', miripan uya i'kwi'pitu'pu, miripan ekamu'pu iya tupoitoru ton ena', "Ananti', seri seri upun," tai'ma.

²³ Miri a'tai, ko' anumu'pu iya, tenki ta'pu iya Papa pi', miripan uya to' o'pa'pu, tanporon kon uya iyawon ensi'pu.

24 “Serì serì umanu, emenna' † ekonekan nito' iwano', tu'kan kon iwano' pe iye'kwansa',” ta'pu iya to' pi'. 25 “T'napairon ekama uya ipi'nokon, iteperu euku ensito' uya oton pen ipokon pe 'nokon Papa e'to' esa' wanni pe yau emenna' pe ensi uya pu'ku pona,” ta'pu iya.

26 Eren pi' tuserenkasa' kon tupo, to' uti'pu Are' Wupu pona.

*Pi'ta Uya Tnonkato' Oton Ekama'pu Sises Uya
(Ma'siu 26:31-35; Uru' 22:31-34; Isaan 13:36-38)*

27 “Tanporo ri unimi auya'nokon miri,” tukai' Sises uya to' pana'ti'pu, “apane para iye'menukasa':

“Karimeru amu' pa'simanin wini uya,

miripan karimeru amu' si e'ta'nu'to' oton,† tawon. 28 E'tane eriku tupo, e'mu'sa'kasa' a'tai, uti miri arawiri'nokon Kiyarari pona,” ta'pu iya.

29 Pi'ta uya ta'pu, “Tanporon kon uya inintane, inimi uya pen ni nin miri,” ta'pu iya.

30 “T'napairon ekama uya ipi', serì pe—i'nai ri sa'ne, serì ewarupii tau—kiritiki uturumu asa' ite'kwa rawiri, unonkato' auya oton osoruwau ite'kwa,” ta'pu Sises uya.

31 E'tane miyari pari e'se'ne' pe pari Pi'ta uya ta'pu, “I'ri pe para ri aya'kiri uma'ta pe iyesi yau, inonka uya pen ni,” ta'pu iya. Miri awonsi'ki tanporon kon uya ri miri ri mari ta'pu.

*Sises Iprema Ke'semani Po
(Ma'siu 26:36-46; Uru' 22:39-46)*

† 14:24 Taron ni imenukasa' ton yau “emenna” tasa' para iyesi.

14:24 E'sotas 24:8; Iseremaya 31:31-34 † 14:27 Sakaraya 13:7

14:28 Ma'siu 28:16

³² To' uti'p_u Ke'semani tukai' tesa'sen pata ya'. Miri yau, Sises uya ta'p_u t_upoitor_u ton pi', "Ereutapi'ti' se airi ip_urema tane," ta'p_u iya. ³³ Miripan uya Pi'ta, Isens miri awonsi'ki Isaan ari'p_u ta'kiri, miripan usewankama ena'p_u ika'ni' p_ura ipan pe ri. ³⁴ "Uya'kwar_u man pokoi pe, uma'tan poken ni," ta'p_u iya to' pi'. "Seri yau e'ti' tenu ke," ta'p_u iya.

³⁵ Iti'p_u miyari pari inni iwa ita'mo'ka'p_u non pona ip_uremase'na t_upi' te'ku'sen si usentakato' pe. ³⁶ "Apa, § Papai, tanporon ni e'ku'to' pe iku'nin pe iwesi, seri ko' imo'kaki uyenapai. E'tane i'se iwe'to' riken e'ku'to', i'se e'to' pen," ta'p_u iya.

³⁷ Miripan enna'po'p_u t_upoitor_u ton piya', miripan uya to' e'n_um_u eporo'p_u. "Saiman," ta'p_u iya Pi'ta pi', "iye'n_unsa' si miri? Tenu ke pe iwesi poken p_ura iyese mara r_u'kwi ri? ³⁸ Tenu ke esii'ma ip_uremati', i'tupi'nito' ya' auta'mo'ka kon namai'. Iya'kwar_u esi inku'pai, e'tane ipun esi i'si'mara," ta'p_u iya.

³⁹ Itikaa'p_u ip_uremase'na miri kasa ri mari kanan. ⁴⁰ Iyenna'posa' a'tai kanan, to' ri mari e'n_unsa' eporo'p_u iya, ap_une p_ura e'tape'ne' pe'ne to' enu pi'pi ton esi ke. I'ri ri ta t_uuya'nokon ipi' tukai' to' uya i'tu p_ura ri iyese'p_u.

⁴¹ Itosor_uwano ite'kwa tenna'poi', ta'p_u iya to' pi', "Miri si e'n_un ni pi' ri miri awonsi'ki umor-onka' ni pi' ri iwesi kon? Eke pe man! Iweyu si e'seposa' man. Ka'pon, Papa winon eparankasa' man t_umakooikena' nan ena'. ⁴² E'm_u'sa'kati'.

§ 14:36 Apa; miri pe p_ura, Papai ta e'kwa pe Arami' pe.

Utinpai'nokon! Uyeparankanin si uye'ka'ni pi' man!" ta'pɛ iya.

Sises A'si'pɛ To' Uya

(Ma'siu 26:47-56; Ƴru' 22:47-53; Isaan 18:3-12)

⁴³ Usauro'ni pi' kuru ri iyesei koro'tau, Isutas, 12 kaisaron kon tonpa pe te'sen usenpoika'pɛ. Ipokon pe anpisin usepai'tipi'sa' supara ke miri awonsi'ki wa'tana ke esi'pɛ use'man nito' tarawasomanin nan epuru ton eke ton kuru, Main pi' enupanin nan miri awonsi'ki Esuwerɛ amɛ' epuru ton nennoko'san.

⁴⁴ Eparankanin uya tɛnku'ton ekamasa' esi'pɛ to' pi', "Kɛri sa'su'kayai'ne' si kɛri ri, ma'sitɛi', matɛi' terasu ke," tasa' esi'pɛ. ⁴⁵ Isutas uti'pɛ Sises piya' to'sari ri, miripan uya, "Rapai,"* ta'pɛ ipi', miripan a'su'ka'pɛ iya. ⁴⁶ Miripan kon uya Sises a'si'pɛ. ⁴⁷ Miri yau, a'ko pe iye'soto'pi'sa' kon tonpa uya tɛsuparaai mo'ka'pɛ, miripan uya use'man nito' tarawasomanin nan epuru poitorɛ pana a'ti'pɛ.

⁴⁸ Sises uya, "Main awiron kon pen pe' esa' pe esi seri, iuye'sa' kon na'ne' supara amɛ' miri awonsi'ki wa'tana amɛ' esa' pe uya'sise'na? ⁴⁹ Wɛi kaisari ri ipiyau'nokon esi'pɛ, enupan pi' Esuwerɛ amɛ' use'mato', ipɛremato' iwɛ' pu'kɛ tau, uya'si auya'nokon pɛra ri. E'tane imenukasa' itekare uta'ku'tito' pe ri iyesei," ta'pɛ iya. ⁵⁰ Miri a'tai, tanporon kon ipoitorɛ ton uya inonka'pɛ, miripan kon ainɛmɛ'pɛ.

* **14:45** Rapai, Ti'sa ta e'kwa pe **14:49** Ƴru' 19:47; 21:37

⁵¹ Moine e'wontisa' epe'kena' pon renen tato' atɔ ke tɔpon ke pɔra esii'ma uti esi'pɔ Sises pikiri. Miripan a'si i'se to' e'tane, ⁵² to' enapai temo'kai' iyeka'tumɔ'pɔ iwɔn pɔra.

Sises Esi Konsurɔ Amɔ' Piyau

(Ma'siu 26:57-68; Ɔru' 22:54-55, 63-71; Isaan 18:13-14, 19-24)

⁵³ To' uya si Sises ari'pɔ use'man nito' tɔrawasomanin nan epuru piya', miripan tanporo use'man nito' tɔrawasomanin nan epuru ton eke ton kuru, Esuwerɔ amɔ' epuru ton ni, miri awonsi'ki Main pi' enupanin nan ni amɔra'pɔ.

⁵⁴ Pi'ta uya e'ma'pɔka'pɔ innonsi'ki ri, use'man nito' tɔrawasomanin nan epuru iwɔ' pɔrorooi pona. Miri yau iyereutasa' esi'pɔ erasu amɔ' pokon pe a'non pi' apo' piyau.

⁵⁵ Use'man nito' tɔrawasomanin nan epuru ton eke ton kuru miri awonsi'ki tanporon kon ni Esuwerɔ amɔ' Konsurɔni ton esi'pɔ Sises ewa'nomato' tɔuya'nokon ipikiri eporo i'se itato' pe tɔuya'nokon ima'tato' ya', e'tane to' uya i'ri ri eporo'pɔ pen ni. ⁵⁶ Tu'kan kon ni usaurokɔ'pɔ ipi' kasi ye' pe ri, e'tane isi'kaisa ri pɔra to' maimu esi'pɔ.

⁵⁷ Miri a'tai, tɔron kon e'soto'pi'sa' usaurokɔ'pɔ kasi ye' pe ri ipi' se tukai': ⁵⁸ "Ina uya eta'pɔ, 'Seri ka'pon nɔkoneka'pɔ use'man nito', ipureman nito' iwɔ' ma'tanɔkɔ uya miri, miri awonsi'ki osorɔwau wɔi yau, tɔron ni kanan ami uya, ka'pon nɔkoneka'pɔ pe pɔra nin si,' ta iya," ta'pɔ to' uya.

⁵⁹ Miri ri e'tane, isi'kaisa ri pɔra to' maimu esi'pɔ.

⁶⁰ Miri a'tai, use'man nito' tarawasomanin nan epuru e'soto'ka'p_u to' rau, miripan uya Sises ekama'popitu'p_u, “Eiku auya pen ni pe' miri? I'ri tukai' p_usamoro ka'pon am_u' usauroku ipi'?” ta'p_u iya. ⁶¹ E'tane Sises esi'p_u e'pana ri to' eiku iya p_ura ri.

Use'man nito' tarawasomanin nan epuru uya ekama'pokaap_u kanan, “Imiri pe' kuri ri Kurai,† Iyip_uremasa' pe Te'sen Mu?” ta'p_u iya.

⁶² Miripan pi', “Uri ri,” ta'p_u Sises uya. “Ka'pon, Papa winon ereutasa' Merunti pe te'sen emiya enwo'net_u wini ento' auya'nokon oton, miri awonsi'ki iyep_u kapuru' yau Ep_un poi,” ta'p_u iya.

⁶³ Use'man nito' tarawasomanin nan epuru uya t_upon karaka'p_u. “I'rito' pe miyari ri ekamanin nan i'se e'ni? ⁶⁴ Metat_uu ri sa'ne ko isauroku Papa sapema pe. I'ri tukai' ken misenuminkayat_uu?” ta'p_u iya.

Tanporon kon uya ri eno'ma'p_u ima'tato' pe.

⁶⁵ Miripan t_uron kon ni eta'tapitu'p_u ipona; to' uya itenu aurom_u'p_u, tamokorooi kon ke to' uya iwini'p_u, miripan, “Pu'kena' pe ekamaki!” ta'p_u to' uya ipi', miripan mo'ka'p_u erasu ton uya, miripan wipitu'p_u to' uya.

Pi'ta Uya Sises Nonka'p_u

(Ma'siu 26:69-75; Uru' 22:56-62; Isaan 18:15-18, 25-27)

† **14:61** Kurai (Kiri' maimu yau); miri pe p_ura, Me'saya (Ipuru maimu yau), asa'ri ri mari iyese, Papa Nan_um_u'p_u ta e'kwa pe.

14:62 Taniyep_u 7:13 **14:64** Ripaiti'kas 24:16

66 Pi'ta esi koro'tau non po, iuti p̄arorooi po, uri'san, use'man nito' tarawasomanin poitoru uyee'p̄u. 67 Pi'ta a'no ensa' t̄uuya a'tai, enpi't̄u'p̄u iya a'ko pe esii'ma, "Imiri ri niri Nasare' pon Sises a'kiron nu'p̄u," ta'p̄u iya ipi'.

68 E'tane i'tunin pe p̄ara iye'kuu'p̄u, "I'tu uya p̄ara man; ito'ka'n̄uk̄u uya p̄ara man i'ri pi' ausaurok̄u tukai'," ta'p̄u iya, miripan uti'p̄u utin nito' e'ma ta', miri a'tai kiritiki uturumu'p̄u.†

69 To' poitoru uri'san uya ensa' a'tai miri yau, takaa'p̄u iya kanan te'soto'pi'se iwoi te'san pi', "P̄use ri kari ri to' tonpa," ta'p̄u iya.

70 I'tunin pe p̄ara kanan iye'ku'kaa'p̄u.

Mara ri iyesei t̄apo, kamoro a'ko pe iye'soto'pi'sa' kon uya ta'p̄u Pi'ta pi', "I'napai ri kuru ri imiri kari ri to' tonpa, ap̄ne p̄ara Kiyarari pon pe iwesi," ta'p̄u to' uya.

71 Tiwano' pe ri iye'pa'n̄uk̄u'p̄u, miripan uya ta'p̄u to' pi', "P̄use ri ka'pon ipi' masauro'atai'ne' i'tu uya p̄ara man!" ta'p̄u iya.

72 Inke p̄ara ri, iyakon ite'kwa pe kiritiki uturumu'p̄u. Miri a'tai, Pi'ta uya Sises maimu ru'p̄u nee'p̄u tenu ya' t̄api' isauro'sa' ru'p̄u, "Kiritiki uturumu' rawiri iyakon ite'kwa pe, I'tu uya p̄ara man, tato' auya oton osor̄wau ite'kwa," ta'p̄u iya ru'p̄u, miripan ukaramu'p̄u.

15

Sises Ari'p̄u To' Uya Paire' Piya'

(Ma'siu 27:1-2, 11-26; Ūru' 23:1-5, 13-25; Isaan 18:28—19:16)

† 14:68 Taron ni imenukasa' ton yau, miri a'tai kiritiki uturumu'p̄u tawon p̄ara iyesei.

1 Ipan pe awanakai' kuru, use'man nito' turawasomanin nan epuru ton eke ton kuru, Esuweru amu' epuru ton pokon pe, Main pi' enupanin nan miri awonsi'ki tanporo Konsuru amu' ekoneka'pu. To' uya Sises auronpitu'pu, miripan ari'pu to' uya Paire' ena'.

2 “Esuweru amu' kin pe' imiri?” tukai' Paire' uya ekama'po'pu.

“Ewai, mukayai'ne' kasa ri,” tukai' Sises uya eiku'pu.

3 Tu'kan ke ri use'man nito' turawasomanin nan epuru ton eke ton kuru uya eseru'ti'pu. 4 Miri pi' Paire' uya kanan ekama'pokaa'pu, “Eiku auya pen ni pe' miri? Menyan pe' tu'kan pi' ri to' uya iyaseru'ti?” ta'pu iya.

5 E'tane Sises uya entakanoma'pu pen ni; miri uya Paire' ewansiuka'pu.

6 Iteseru si esi'pu miri, to' enta'nato' weyu a'tai a'sisa' nonkato' ka'pon amu' nekama'po'pu.

7 Ka'pon, Parapas tukai' tesa'sen esi'pu pariki'si tau, pata esanon pokon pe isewa'nomapai te'san koro'tau, ka'pon winin nu'pu miri a'tai. 8 Anpisin uyee'pu Paire' piya' tunku'se' e' ku'se'na iye'to' pe tiwano' kon pe.

9 “Esuweru amu' kin pe' nonka uya i'se me'atuu iiwano' kon pe?” ta'pu Paire' uya to' pi', 10 tikinta kon wenai ri use'man nito' turawasomanin nan epuru ton eke ton kuru uya Sises tusa' tena' i'tui'ma ri. 11 E'tane use'man nito' turawasomanin nan epuru ton eke ton kuru uya ka'pon amu' turunka'pu Paire' uya Parapas ru'ku nonkato' pe tiwano' kon pe tawon nan pe.

12 “F’ri pe ken si Esuweru amu’ kin tato’ kupu uya?” ta’pu Paire’ uya to’ pi’.

13 “Kurusu’ pona ipokapi’ki!” tukai’ to’ uki’pi’nunpitu’pu.

14 “F’rito’ pe? F’ri iri ku’sa’ iya?” tukai’ Paire’ uya to’ ekama’po’pu.

E’tane miyari ri eke pe to’ uki’pi’nunpitu’pu, “Kurusu’ pona ipokapi’ki!” tukai’.

15 Pori’ pe anpsin inku’pai tesi pi’, Paire’ uya Parapas nonka’pu to’ iwano’ pe. Sises ari’po’pi’to’ pe to’ uya ikupu’pu iya, miripan nonka’pu iya to’ ena’ kurusu’ pona to’ uya ipokapi’to’ pe.

*Sises Sapema’pu Soisa Amu’ Uya
(Ma’siu 27:27-31; Isaan 19:2-3)*

16 Sises ewonnuku’pu soisa amu’ uya kopana iwu’ ta’ (kopana pe e’ni iwu’, Pare’toriun itese’), miripan kon uya tanporo tatonpa kon soisa amu’ ki’ma’pu. 17 To’ uya tatariren pon ya’ iponti’pu, miripan kon uya tiku ke te’sen e’mepitu’pu aro’, karon pe, miripan ke to’ uya aruko’ti’pu. 18 Miripan kon uya esa’pitu’pu, “Miyari, Esuweru amu’ kin!” ta’pu to’ uya. 19 Miripan kon uya kanan iwipitu’pu i’pai pi’ yui ke, miripan kon eta’tapitu’pu ipona. To’ uta’mo’kapitu’pu tese’mu kon pona’ne inama pe itese’. 20 Isapema’pu tauya’nokon nonka tupo, to’ uya tatariren pon mo’ka’pu, miripan kon uya iponti’pu ipon ni nin si ya’. Miripan ari’pu to’ uya kurusu’ pona ipokapi’sena.

*Kurusu’ Pona Sises Pokapitu’pu To’ Uya
(Ma’siu 27:32-44; Uru’ 23:26-43; Isaan 19:17-27)*

21 Ka’pon Sairini winon, Saiman itese’, Arisanta miri awonsi’ki Ru’pos kaupunu uyepu esi’pu eke

pata ya' sunwapai, miripan a'kwaruka'pu to' uya kurusu' ato' pe iya. ²² Sises nee'pu to' uya pata Koruko'ta tato' ya', pu'pi i'pu ru'pu pata ta e'kwa pe. ²³ Miripan o'pa'pu to' uya waain sumasa' i'ne' miru itese' ke, e'tane ensi iya para iyese'pu. ²⁴ Miripan pokapitu'pu to' uya kurusu' pona. Ipon nu'pu ta'nu'ku'pu to' uya, i'tuto' ipi' ke te'wapiya'kapi'se, epopitu'pu to' uya.

²⁵ To' uya kurusu' pona ipokapitu'pu 9 a'kura'. ²⁶ Iwito' iwenai ento' ipi' menukasa' uya, ta esi'pu: ESUWERU AMU' KIN, tukai'. ²⁷ To' uya ipokon pe asa'ron kon ama' amu' pokapi'sa' kurusu' pona esi'pu, tikin ni itenwo'netu wini miri awonsi'ki tikin ni ikamisi wini. ²⁸ Seri kasa kuru si iye'menukasa' itekare uta'ku'ti'pu, "Iri ku'nin nu'san pokon pe iyese'pu,"* tawon.† ²⁹ Kamoro ipiyawiri tautisan uya iri pe ri isapema'pu. Ti'pai kon sukusukuma'pu to' uya, "Imiri si, 'use'man nito', ipareman nito' iwu' ma'tanuku uya, miripan kanan amikapu uya osoruwau wui yau,' tawon nu'pu, ³⁰ iu'tiki si kurusu' poi, epika'tiki iiwano' pe!" tai'ma.

³¹ Miri kasa ri mari use'man nito' turawasomanin nan epuru ton eke ton kuru miri awonsi'ki Main pi' enupanin nan uya isapema'pu tamiri'nokon pe. "Turon kon pika'ti'pu iya, e'tane tiwano' pe iyepika'ti para iyese! ³² Tiwi pase ri Kurai,‡ Esuweru amu' kin nu'uti seri pe kurusu'

15:21 Ron 16:13 **15:24** Eren 22:18 * **15:28** Aisaya 53:12
 † **15:28** Turon ni imenukasa' ton esi v. 28 para. **15:29** Eren 22:7; 109:25; Ma' 14:58; Isaan 2:19 ‡ **15:32** Kurai (Kiri' maimu yau); miri pe para, Me'saya (Ipuru maimu yau), asa'ri ri mari iyese, Papa Nanamu'pu ta e'kwa pe.

poi ento' pe, miripan apurito' pe,” ta'pɥ to' uya. Kamoro iya'kiri kurusu' pona ipokapi'sa' kon uya ri niri isapema'pɥ.

Sises Eriku'pɥ

(*Ma'siu 27:45-56; Uru' 23:44-49; Isaan 19:8-30*)

³³ 12 a'kɥra' a'tai, pata ewarumamɥ'pɥ 3 a'kɥra' pɥ'kɥ pona ri. ³⁴ 3 a'kɥra' iye'tane Sises uki'pi'nɥnpitu'pɥ eke pe ri, “*Iroi, Iroi, rama sapa'tani?*” ta'pɥ iya, “Papa, Papa, i'rito' pe unonkasa' auya?” § ta e'kwa pe.

³⁵ Kamoro a'ko pe iye'soto'pi'sa' kon uya seri etasa' a'tai, “Apɥne etati', Irais a ki'ma pi' man,” ta'pɥ to' uya.

³⁶ Tikin nan ka'pon eka'tumɥ'pɥ su'pa ki'se'na waain peneka ka', yɥi pi' tepu'tii' Sises uya ensito' pe itɥɥ'pɥ iya. “Tiwi nesii; apɥne Irais a uyepɥ imo'kase'na enpai'nokon,” ta'pɥ iya.

³⁷ Sises uki'pi'nɥmɥ'pɥ eke pe ri, miripan eriku'pɥ.

³⁸ Esuwerɥ amɥ' use'mato', ipɥremato' itau wapu ekaraka'pɥ a'sa'mɥyai inakapu awonsi'ki non pona. ³⁹ Eke soisa amɥ' epuru pe te'sen iye'soto'kasa' rɥ'pɥ Sises rau uya Sises uki'pi'nɥmɥ eta'pɥ, iyeriku ri ene'pɥ, miripan uya, “T'napai ri kuru ri ka'si, pɥse ri esi'pɥ miri wa Papa Mumu pe!” ta'pɥ.

⁴⁰ Tɥron kon uri'sami'si amɥ' uya enpi'tu'pɥ innonsi'ki, miripan kon koro'tau Meri Mataren, Meri kanan aiko Isens miri awonsi'ki Isoses san, miri awonsi'ki Saromi esi'pɥ. ⁴¹ Kiyarari ponsi'ki

§ 15:34 Eren 22:1 15:36 Eren 69:21 15:38 E'sotas 26:31-33

pꞰsamoro uri'sami'si amꞰ' uyee'pꞰ iya'kiri, i'se iye'to' ke to' uya imainanpa'pꞰ. Tu'kan kon tꞰron kon uri'sami'si amꞰ' iya'kiri iye'sa' kon nꞰ'san Surusiran pona ri niri esi'pꞰ miri yau.

Sises U'na'ti'pꞰ Isole' Uya

(*Ma'siu 27:57-61; Ƴru' 23:50-56; Isaan 19:38-42*)

⁴² Ekonekan Weyu pe iyesi'pꞰ, Sapa' e'ma ta'. Pata uko'mamꞰ koro'tau, ⁴³ Isole', Arama'tiya pon to' nꞰnamanꞰ pe kuru te'sen KonsarꞰ amꞰ' tonpa, Papa e'to' esa' wannꞰ pe uyepꞰ enupikiri niri te'sen uti'pꞰ enari'mꞰra ri Paire' piya', Sises ekepu ekama'pose'na. ⁴⁴ Paire' usewansiuka'pꞰ iyeri'ka'sa' ta tetai'. Soisa amꞰ' epuru tꞰki'mai', ekama'po'pꞰ iya, "Sises pe' eri'ka'sa?" tukai'. ⁴⁵ Soisa amꞰ' epuru uya nin si tꞰpana'tisa' a'tai, "Iyeri'ka'sa' ri," tukai', itekepu nin si nonka'pꞰ iya miri Isole' ena'. ⁴⁶ Isole' uya nin si epe'kena' pon renen tato' atu enna'pꞰ miri, miripan uya Sises ekepu mo'ka'pꞰ kurusu' poi, iwonti'pꞰ iya pon atu ke, miripan emaika'pꞰ iya uruwai' pe ti' akasa' ya'. Miripan mꞰra'taai pona ti' tirinka'pꞰ iya. ⁴⁷ Meri Mataren miri awonsi'ki Meri, Isoses san uya miri airi ituru ene'pꞰ.

16

Sises E'mꞰ'sa'ka'pꞰ

(*Ma'siu 28:1-8; Ƴru' 24:1-35, 50-53; Isaan 20:1-10; InkupꞰ'pꞰ 1:6-8*)

¹ Sapa' pata'pꞰ pe, Meri Mataren, Meri, Isens san, miri awonsi'ki Saromi uya a'po'nan enna'pꞰ Sises ekepu karapaimai' tꞰutito' kon pe.

² Awanakui' kuru suntaaka epiya'ti pe wui enu enu'tane, to' uti esi'pua ti' akasa' uruwai' pona, ³ “Inu' uya ti' uruwai' mara'ta pon tirinkato' pe uiwano' kon pe?” tukai' to' usekama'po'pua.

⁴ E'tane, tenu kon tusa' to' uya a'tai, to' uya eke kuru ri ti' e'tirinkasa' ene'pua. ⁵ Ti' akasa' uruwai' pe ya' to' ewomua koro'tau, moine, aimu'nan ipon ereutasa' enwo'ne' wini ene'pua to' uya, miripan pi' to' etuipitu'pua.

⁶ “Ketui'pitu'pua,” ta'pua iya. “Si'tuyai' Sises, Nasare' pon warinpa auya'nokon kurusu' pona ipokapi'sa' ru'pua. Seri yau para man, iye'mua'sa'kaka'pua man! Apune enti', to' uya itaru'pua pata'pua. ⁷ E'tane entanti' ipoitorua ton nua'san ipana'titanti' miri awonsi'ki Pi'ta ri, 'Iti miri Kiyarari pona arawiri'nokon. Miri yau ene auya'nokon, ta'pua tuuya kasa ri,' ” ta'pua iya.

⁸ Miripan kon epa'ka'pua to' eka'tumua'pua uruwai' piyapai e'tititi'kai'ma, apune para ipan pe ri to' etuipi'sa' esi'pua. I'ri ta'pua to' uya pen ni inu' pi' ri, apune para enari'ke' pe tesi kon pi'.

[Wapiyaro' iwa ton miri awonsi'ki en yawo'nan penaro' ton pari yau Ma' 16:9-20 para iyesi.]
(Ma'siu 28:9-10; Isaan 20:11-18)

⁹ Sises e'mua'sa'ka'pua teriku'pua tupo, awanakui' kuru Sonte a'tai, isenpoika'pua wapiya kuru Meri Mataren enu ya', ⁷ kaisaron kon makooi a'kwarua enpa'ka'pua iya ru'pua iyapai piya'. ¹⁰ Iti'pua itonpa ru'san pana'tise'na, pokoi pe tesi kon pi' tuukaransan. ¹¹ Miripan uya, “Sises man nurine.

Ene'pɥ uya,” ta tane iya, to' uya apuri pɥra ri iyesi'pɥ.

¹² Miri tɥpo, Sises usenpoika'pɥ tɥron ni pe tenai' asa'ron kon uti koro'tau pata ya'. ¹³ Pɥsamoro si enna'po'pɥ tɥron kon pi' ekamase'na, e'tane to' apuri to' uya pɥra ri iyesi'pɥ.

¹⁴ Emenna'pɥ ri, Sises usenpoika'pɥ 11 kaisaron kon piya' to' enta'na tane. To' eseremekɥ'pɥ iya to' napurinu pɥra iyesi pi', sa'man pe ri iye'mɥ'sa'kasa' ennin nɥ'san anapuripai pɥra to' esi pi'.

¹⁵ Ta'pɥ iya si to' pi', “Entanti' tanporo ri non poro pata awiri waku itekare ekamatanti' Papa nukapɥ'san pi'. ¹⁶ Inɥ' ri apurinin ni epa'taisimasa' ri epika'ti, e'tane inɥ' ri kari apurinin pen ni eno'ma ri. ¹⁷ Pɥsamoro uyese' apurinin nan uya si i'tuto' ipikiri merunti eporo miri makoi amɥ' enpa'kapitu miri uyese' yau to' si usauroku miri emenna' main, siran yau. ¹⁸ To' uya ikɥi anɥmɥ miri temiyatɥ kon ke, miripan kon uya isi ri paisin ensi, e'tane e'ne' pe to' kupɥ iya pen ni, miripan kon uya temiyatɥ kon nonka takuru'kena' nan ka'pon amɥ' pona'ne, miripan kon usepi'ti,” ta'pɥ iya.

¹⁹ Itepuru Sises usauroku'pɥ tɥpo to' pokon pe, itanɥmɥ'pɥ Epɥn pona, miripan ereuta'pɥ enwo'ne' Papa emiyatɥ wini. ²⁰ Miripan ipoitorɥ ton uti'pɥ itekare ekamase'na mi awiri ri, miripan Itepuru e'tɥrawasoma'pɥ to' a'kiri, miripan i'napai ri tamaimu to' nekamanɥ esi ekamanin pe i'tuto' ipikiri eke ton tɥrawaso kupɥ'pɥ iya.

*[Tɥron Ni Kanan Penaro' Iye'nonka'pɥ Yai] **

[9] Uri'sami'si amɥ' uti'pɥ Pi'ta miri awonsi'ki itonpa ton piya' to'ken ni tɥpana'ti'pɥ kon ekamase'na to' pi'. [10] Miri tɥpo, tɥpoitorɥ ton poro, Sises uya tɥmiri pe, wɥi enu uye'to' winipai, wɥi enu utito' pɥ'kɥ pona wakɥ, to'panɥ'nin tiwiro' epika'tin nito' ekareei ennoko'pɥ. Amen.

* **16:20** Tɥron ni ton imenukasa' ton miri awonsi'ki penaro' ton enpoikasa' ton yau, seri to'kenan iu'matɥ wakɥ itekare yau ku'sa' iu'matɥ pɥ'kɥ'na'tinin pe.

**Wakɔ Itekare: Emenna' Pe Ekonekan Nito'
New Testament in Akawaio (GY:ake:Akawaio)**

copyright © 2010 Wycliffe Bible Translators, Inc.

Language: Akawaio

Translation by: Wycliffe Bible Translators, Inc.

Akawaio

ake

Guyana

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Akawaio

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-21

PDF generated using Haiola and XeLaTeX on 11 Nov 2022 from source files dated 29 Jan 2022

0a50da4e-768d-5472-9dd1-d9747ff5918f